

## SĀARUN WOODA

Sāarun Woodan tirerun gari sun sōmō wooda ye Isireliba ba swīi ba ka Gusunō sāwa. Yāku kowoba ba tambu wooda ye sōsi. Wooda ye, ya bu sōsimōwa gāa ni nu disi mō ka ni nu ñ disi mō. Ya maa nεε, n weene Isireliba ba n deere bu sere Gusunō susi.

### *Tire ten kpunaa*

1. Yākunun wooda, wiru 1n di sere wiru 7.
2. Wooda ye ba yi yāku kowobun sō, wiru 8n di sere wiru 10.
3. Ye ya disi mō ka ye ya ñ disi mō, wiru 11n di sere wiru 15.
4. Toranun yākunū, wiru 16.
5. Deerasiabu ka sāarun wooda, wiru 17n di sere wiru 27.

## YĀKU NI ISIRELIBA BA KOO KO

### *Yāku dōo mwaararuginu*

<sup>1</sup> Yinni Gusunō u Mōwisi soka saa win kuu bekurugii tēn mi ba ra nūn sān di.

<sup>2</sup> U nūn sōwa u nεε, a Isireliba sōwō a nεε, ben goo ù n kī u nε, Yinni Gusunō yākuru kua, u koo kpī u ketε go, ñ kun mε yāaru.

<sup>3</sup> N n yāku dōo mwaararugira yēro u mō ka ketε, ketε ye, ya ko n sāawa ketε kineru te ta ñ alebu gaa mō. U koo yāku te kowa nen sāa yerun kōnnōwō, kpa u ka nε, Yinni Gusunōn durom wa.

<sup>4</sup> U koo win nōma sōndiwa ketε yen wiru wōllo ye nε Gusunō na wura yu ka win durum wukiri.

<sup>5</sup> U koo keɛ ye gowa ne, Yinni Gusunɔn wuswaaɔ nen kuu ten kɔnnɔwɔ. Aronin bibu be ba sãa yãku kowobu, beya ba koo yen yem sua kpa bu mu yêka bu ka yãku yee ten nɔɔ bɔka sikerena.

<sup>6</sup> Yen biru ba koo sabe te kokuwa kpa bu ten yaa bɔtiri.

<sup>7</sup> Yãku kowo bera ba koo yãku dãa yi yi kpa bu dɔɔ doke.

<sup>8</sup> Dɔɔ wi sɔara ba koo ye kpuro doke ka yen wiru ka yen gum.

<sup>9</sup> Ba koo yen bɔsɔ yãnu ka yen wɔbunu kpuro teawa kpa yãku kowobu bu ye kpuro dɔɔ doke. Ya ko n sãawa yãku dɔɔ mwaararuginu nɔn nubura koo ne, Yinni Gusunɔ dore.

<sup>10</sup> Goo ù n maa yãku dɔɔ mwaararugiru mɔ ka yãaru, ñ kun me ka boo, yãa kina u koo go, ñ kun me boo kineru te ta ñ alebu gaa mɔ.

<sup>11</sup> U koo tu sakawa yãku yerun sɔɔ yêsan nɔm geu gia Yinni Gusunɔn wuswaaɔ kpa yãku kowobu bu ten yem sua bu yêka yêka bu ka yãku yerun nɔɔ bɔka sikerena.

<sup>12</sup> U koo yaa ye bɔtiriwa kpa u kpêe yãku dɔɔ sɔɔ ka yen wiru ka yen gum sannu.

<sup>13</sup> U koo yen bɔsɔ yãnu ka yen wɔbunu sua u teawa, kpa yãku kowo u ye kpuro sua u dɔɔ doke, yu dɔɔ mwaara mam mam. Ya ko n sãawa yãku dɔɔ mwaararugiru tèn nubura koo ne, Yinni Gusunɔ dore.

<sup>14</sup> Goo ù n yãku dɔɔ mwaararugiru mɔ ka gunɔsu, kparukona u koo ka tu ko, ñ kun me totoberenu.

<sup>15</sup> Yãku kowo u koo ka gunɔ ge na yãku yerɔ. Kpa u gen wiru bura kpa u gen yem yêka yêka yãku yee ten yêsaɔ.

<sup>16</sup> U koo gen sansu wukiriwa kpa u gen yǎoru wĩa u kǎ yǎku yerun sǎo yari yeru gia mi ba ra torom wisi.

<sup>17</sup> Kpa u gu bera besi yiru u kun sǎsiane. Yen biruwa u koo gu dǎo kpǎe, kpa gu dǎo mwaara. Ya ko n sǎawa yǎku dǎo mwaararugiru tǎn nuburu ta koo nε Yinni Gusunǎ dore.

## 2

### *Yǎku ni ba kua ka dǎa binnu*

<sup>1</sup> Goo ù n kǐ u Yinni Gusunǎ yǎkuru kua ka win dǎa binnu, soma u koo sua, u mu burina ka gum ka sere turare ye ba ra dǎo doke yǎku yerǎ.

<sup>2</sup> U koo ka ye dawa Aronin bibun mi be ba sǎa yǎku kowobu. Ben turowa u koo som mǎn nǎm wǎo teeru sǎka u doke yǎku yerun wǎllǎ ka turare ye kpuro kpa u dǎo doke. Yera ya koo de Gusunǎ u n yǎro yaaye. Ya ko n sǎawa yǎku dǎo mwaararugiru tǎn nubura koo Yinni Gusunǎ dore.

<sup>3</sup> Som mε mu tie mu ko n sǎawa Aroni ka win bibugim. Mu kuawa mi dǎa dεranu, domi ba ka nu Yinni Gusunǎ yǎkuru kua.

<sup>4</sup> À n Yinni Gusunǎ yǎkuru kuamme ka kira ni ba wǎowa, kaa nu kowa ka som mε ba gum yǎka ñ kun mε mε ba ka gum burina ba ñ seeyatia doke.

<sup>5</sup> Bà n koo yǎku te kon na ka kira ni ba sǎnwa, ba koo nu kowa ka som buu te ba burina ka gum, seeyatia sari.

<sup>6</sup> Yen biru ba koo nu muririwa kpa bu gum yǎka nin wǎllǎ. Ya ko n sǎawa yǎkuru.

<sup>7</sup> Bà n koo yǎku te kon na, ka kira te ba koo wǎ, ba koo tu kowa ka som buuru te ba burina ka gum.

<sup>8</sup> Ba koo ka yāku kira te dawa Yinni Gusunən sãa yerɔ. Kpa u tu yāku kowo wɛ u ka tu da yāku yerɔ.

<sup>9</sup> U koo ten garu mura te ta koo de Yinni Gusunɔ u n yēro yaaye kpa u tu dɔɔ doke yāku yee ten mi, kpa tu dɔɔ mwaara. Ta ko n sãawa yāku dɔɔ mwaararugiru tèn nubura koo Yinni Gusunɔ dore.

<sup>10</sup> Kira ni nu tie, Aroni ka win biba ba ni mɔ. Nu kuawa mi dĩa dɛɛranu domi ba ka nu Gusunɔ yāku dɔɔ mwaararugiru kua.

<sup>11</sup> Kira ni ba koo ka yāku dɔɔ mwaararugiru ko kpuro, bu ku raa nu seeyatia doke, bu ku raa maa nu tim doke.

<sup>12</sup> Kaa kpĩ a ka wunen dĩa gbiikinu Yinni Gusunɔ naawa. Adama a n̄ ka nu yāku dɔɔ mwaararuginu m̀ yāku yerɔ.

<sup>13</sup> Dĩa ni a ka yākuru m̀ kpuro, kaa nu b̄ru dokewa. A ku duari a kun tu doke. Domi b̄ru ta sãawa wunɛ ka Gusunən arukawanin yīreru. Yen s̄na ba ko n da tu doke yākuru baatere s̄ɔ.

<sup>14</sup> I n kī i ka b̄ɛɛn gberun dĩa gbiikinu na Yinni Gusunən mi, i ko i nu s̄mɛwa kpa i nu nam i sere ka na.

<sup>15</sup> Kpa i ka nu gum burina, i turare s̄ndi nin w̄llɔ. Ya ko n sãawa yākuru.

<sup>16</sup> Yāku kowowa u koo som mɛ mu sãa Gusunɔgim dɔɔ doke ka sere maa turare ye. Yera ya koo de Gusunɔ u n yēro yaaye. Ya ko n sãawa yāku dɔɔ mwaararugiru Yinni Gusunən s̄ɔ.

### 3

*Siarabun yākunu*

1 Goo ù n siarabun yākuru m̀ Yinni Gusunən mi ka ketε kinεru, ñ kun mε ka ketε nia, yen ye u wa kpurowa u koo ka na, ya kun gesi alebu m̀.

2 U koo win nōmu s̀ndiwa ketε yen wiru ẁllō kpa u ye saka kuu ten k̀nnōwō mi ba ra Yinni Gusunō s̄. Kpa yāku kowo Aronin bibu bu yen yem yēka bu ka s̄a yerun nō b̀ka sikerena.

3 Wee ye ba koo Yinni Gusunō d̄ō dokea, yera gum mε mu b̄sō yānu tēke,

4 ka gabu swii yiru ka yin gum mε mu yi tēke yēsi yēsikaō, ka yen buro ge ga yen woru wukiri. Ba koo gu wīawa ka gabu swii sannu.

5 Yāku kowoba ba koo ye kpuro d̄ō doke yu d̄ō mwaara ka yāku d̄ō mwaararugiru sannu. Ya ko n s̄awa yāku t̀n nubura koo Yinni Gusunō dore.

6 Goo ù n siarabun yākuru m̀ ka yāaru, yāa te u wa kpurowa u koo ka na, baa ñ n nirun na, ta kun gesi alebu m̀.

7 N n yāa k̀pendun na, u koo ka tu dawa Yinni Gusunən wuswaaō.

8 Kpa u win nōma s̀ndi ten wiru ẁllō u sere tu saka Yinni Gusunən kurun k̀nnōwō. Saa yera yāku kowobu ba koo ten yem sua bu yēka bu ka yāku yee ten nō b̀ka sikerena.

9 Wee ye ba koo Yinni Gusunō d̄ō dokea, yera ten gum, ka ten siru kpuro te ba koo bura saa ten gabu wāan di, ka gum mε mu b̄sōnu wukiri,

10 ka ten gabu swii, ka ten gum mε mu wāa yēsōō ka ten buro ge ga woru wukiri, ge ba koo wīa ka gabu swii sannu.

11 Yāku kowo u koo ye kpuro d̄ō dokewa yāku yerō, kpa ya n s̄a yāku d̄ō mwaararugiru Yinni Gusunən s̄.

<sup>12</sup> Goo ù n maa ka boo yākuru m̀, u koo ka gu dawā Yinni Gusunən wuswaa.

<sup>13</sup> U koo win n̄ma s̄ndiwa boo gen wiru w̄ll̄o kuu ten k̄nn̄w̄, kpa u sere gu saka. Kpa yāku kowobu bu gen yem sua bu yēka yāku yerun n̄o b̄kā bu ka sikerena.

<sup>14</sup> Wee ye ba koo Yinni Gusun̄ d̄o dokea, yera gum m̄ mu gen b̄s̄o yānu tēke,

<sup>15</sup> ka gabu swii yiru ka gum m̄ mu yi tēke ka gen buro ge ga woru wukiri, ge ba koo w̄a ka gabu swii sannu.

<sup>16</sup> Yāku kowowa u koo ye kpuro d̄o doke mu d̄o mwaara. Kpa ya n s̄a yāku d̄o mwaararugiru t̄n nubura koo Yinni Gusun̄ dore.

Yen gum kpuro mu ko n s̄awa Yinni Gusun̄gim.

<sup>17</sup> Yen s̄na baa ñ n saa yeren na, mi i w̄a kpuro, i wooda yeni m̄m n̄w̄ sere ka baadommā, yera i ku yaa gum di, i ku maa yen yem di.

## 4

### *Toranun yākunu*

#### *1. Yāku kowo t̄nw̄eron*

##### *toranun yākuru*

<sup>1</sup> Yinni Gusun̄ u M̄wisi s̄ōwa u n̄ē,

<sup>2</sup> a Isireliba wooda yeniba s̄ōw̄ a n̄ē, goo ù n Yinni Gusun̄n wooda gaa tora u kun yē, wee ye u koo ko.

<sup>3</sup> N n yāku kowon na u tora, ma win tora te, ta Isireliba kpuro torasia, u koo ka k̄t̄e kin̄e kp̄mbu nawa ge ga ñ alebu gaa m̄, u go u ka win tora ten suuru wa.

4 U koo ka ketε ye dawa Yinni Gusunān kurun kōnnōwō, kpa u win nōma sōndi yen wiru wōllō u sere ye saka Yinni Gusunān wuswaaō.

5 Yen biru kpa u yen yem sua u ka da kuu ten sōōwō.

6 U koo ka mu win niki bia dekawa, kpa u mu yēka nōn nōōba yiru kuu ten beku kare ten bera gia Yinni Gusunān wuswaaō.

7 Yen biru u koo yem mε yēka kpakoro tēn mi ba ra turare dōō doken kāanō te ta wāa kuu ten sōōwō, kpa u mēn sukum wisi yāku yerun temō te ta wāa kuu ten kōnnōwō.

8 U koo yaa yen gum kpuro wuna mε mu wāa bōsō yānu sōō,

9 ka yen gabu swii, ka gum mε mu gabu swii yi wukiri yēsi yēsikaō, ka buro ge ga woru wukiri, ge ba koo wīa ka gabu swii sannu.

10 Ye ba ra wīε bà n siarabun yākuru mō gesi, yera ba koo maa wīa yeni sōō. Yen biru yāku kowo tōnwerowa u koo ye dōō doke yāku yerun wōllō.

11-12 U koo ye ya tie kpuro gurawa u ka da sansanin biruō mi ba gōsa ba n da yāku dōō mwaararugirun torom kube. Miya u koo yen gōna ka yaa ye ya tie kpuro dōō doke torom mēn wōllō, ka yen wiru ka yen wōbunu ka yen bōsō yānu.

## 2. Yāku te ba koo ko

### *Isireliba kpuro torarun sō*

13 Isireliba kpuro bà n Gusunān wooda gaa sara ba ñ ka baaru, ba torawa mi.

14 Adama bà n tuba ma ba torawa mi, ba koo naa kinε kpembu gowa bu ka ben tora ten suuru kana. Ba koo ka naa kinε te dawa Yinni Gusunān kurun kōnnōwō.

15 Kpa Isireliban wirugibu bu ben noma sɔndi naa yen wiru wɔllɔ kpa ben turo u ye saka Yinni Gusunɔn wuswaaɔ.

16 Yáku kowo tɔnwerowa u koo yen yem fiiko sua u ka da kuu ten mi.

17 Saa ye sɔɔra u koo yem me deka ka win niki bia kpa u mu yɛka nɔn nɔɔba yiru kuu ten beku kare ten deedeeru.

18 Yen biru, kpa u maa kpakoro tɛn mi u ra turare dɔɔ doken káanu yem yɛka. Yem me mu tie, kpa u mu wisi yáku yerun temɔ te ta wáa kuu ten kɔnnɔwɔ.

19 Yen biru u koo yaa yen gum kpuro sua u dɔɔ doke yáku yerun wɔllɔ.

20 Nge me u raa kua win tiin torarun sɔ, nge meya u koo ko Isireliba kpuron tora ten sɔ kpa Gusunɔ u sere bu suuru kua.

21 Yen biru kpa u ka yaa ye ya tie da sansanin biruɔ kpa bu ye doke dɔɔ sɔɔ nge me ba raa kua wi, yáku kowon torarun sɔ. Yáku te, ta sáawa Isireliba kpuro bu ka ben torarun suuru wa.

### *3. Yáku te Isireliban wirugii*

#### *u koo ko win torarun sɔ*

22 Isireliban wirugii goo ù n Gusunɔn wooda gaa sara u ñ ka baaru, u torawa mi.

23 Adama ù n tuba ma u tora, boo kinaera u koo go te ta ñ alebu gaa mɔ u ka yáku ko. Kpa Gusunɔ u nùn win tora te suuru kua.

24 U n ka boo ge na, u koo win noma sɔndiwa boo gen wɔllɔ kpa u gu saka mi ba ra yáku dɔɔ mwaararuginun yaa sake. Yáku te, ta sáawa torarun suurugiru.



25 Yāku kowo wi, u koo ka win niki bia yem me dekawa kpa u mu yēka yāku yerun kāanu sɔɔ. Yem me mu tie, kpa u mu wisi yāku yee ten temɔ.

26 U koo yaa yen gum kpuro suawa u dɔɔ doke nge me ba ra siarabun yākuru ko. Nge meya yāku kowo tɔnwero wi, u koo ko u ka wirugii win torarun suuru kana. Saa ye sɔɔ, Gusunɔ u koo nùn tu suuru kua.

#### 4. *Yāku te ba koo ko*

##### *tɔn diron torarun sɔ*

27 Tɔn diro goo ù n Gusunɔn wooda gaa sara u ñ ka baaru, u torawa mi.

28 Adama ù n tuba ma u torawa, boo niu ge ga ñ alebu gaa mɔwa u koo ka yākuru ko Gusunɔ u ka nùn win toraru suuru kua.

29 U koo win nɔma sɔndiwa boo gen wiru wɔllɔ kpa u gu saka mi ba ra yāku dɔɔ mwaararugirun yaa sake.

30 Yen biru, yāku kowo u koo na u yem me deka ka win niki bia, kpa u mu yēka yāku yerun kāanɔ, kpa u yem me mu tie wisi yāku yee ten temɔ.

31 Yen biru, ba koo yaa yen gum kpuro wīawa nge me ba ra siarabun yākurugim wīɛ. Kpa yāku kowo u mu dɔɔ menɛ, kpa men nuburu tu Yinni Gusunɔ dore. Nge meya yāku kowo wi, u koo ka toro wi suuru kana. Saa ye sɔɔ, Gusunɔ u koo nùn suuru kua.

32 Toro wi, ù n maa kīn na, u ka yāa kpendu yākuru ko, yāa nira u koo ka na u go, te ta ñ alebu mɔ, u ka win torarun suuru wa.

33 U n kī u tu go, u koo win nɔma sɔndiwa ten wiru wɔllɔ kpa u tu saka mi ba ra yāku dɔɔ mwaararugirun yaa go.

<sup>34</sup> Yen biru yāku kowo u koo yem mε dεka ka win niki bia u mu yēka yāku yerun kāanə. Yem mε mu tie kpa u mu wisi sāa yee ten temə.

<sup>35</sup> Yen biru u koo yen gum wīawa nge mε ba ra siarabun yākurugim wīε. Yāku kowowa u koo mε kpuro dāə doke ka yāku dāə mwaararugiru sannu. Nge mεya yāku kowo wi, u koo ko u ka toro wi suuru kana. Saa ye səəra Yinni Gusunə u koo nùn win tora te suuru kua.

## 5

### *5. Tora bwese bwesekan*

#### *yākunu*

<sup>1</sup> Su tē nεε, goo u bōrua ma u koo seeda di gāa ni u wan sō, adama u n gerua ye u wa, n kun mε ye u yē. Saa ye səə, yēro u torawa mi.

<sup>2</sup> Su tē kpam nεε, goo u gāanu baba ye ya disi mə u kun ka baaru, aa, yaa sabe te ba ku ra din gora? N kun mε gbeeku yaa ye ba ku ra din gora? N kun mε yaa ye ya ra kabirin gora? Saa ye səə, yēro u disi duurawa mi.

<sup>3</sup> Su maa tē nεε, goo u n win winsim baba wi u disi gεε mə yi yi koo nùn tia, n deema u n yē, ma u ra ye tuba, yēro u torawa mi.

<sup>4</sup> Toraru garu wee maa. Su tē nεε, goo u bōrua u win winsim kōsa kua n kun mε u nùn gea kua, u n bwisika, u n deema gari yi, gari giriya u gerua, yēro u torawa mi.

<sup>5</sup> Goo u n tora nin garu kua, u koo yen tuuba kowa.

<sup>6</sup> Adama u sere tora ten suuru wa, u koo yāa niru n kun mε boo niu gowa u ka Yinni Gusunə yākuru

kua. Yen biru yāku kowo u koo nùn suuru kanabun wororu koosi, kpa u sere win torarun suuru wa.

## 6. *Bwēεbwēεbun*

### *toranun yākuru*

<sup>7</sup> Goo ù kun kpē u yāa niru n̄ kun mε boo niu wa u ka torarun yākuru ko, u koo kpī u kparukonu yiru n̄ kun mε totoberenu yiru kasu. Gunō gen teuwa ba koo ka torarun yākuru ko. Kpa bu maa ka teu geni yāku dō mwaararugiru ko.

<sup>8</sup> Ba koo gina yāku kowo wi gunō ge wēwa ge ba ka torarun suuru kanabu na mi, kpa u gen wīru bua u kun sōsie.

<sup>9</sup> Kpa u gen yem dεka u yēke yāku yerun nō bōkaō, mε mu tie kpa u wisi ten temō. Ya ko n sāawa torarun yākuru.

<sup>10</sup> Yen biru yāku kowo u koo gunō yiruse sua nge mε wooda ya gerua u ka yāku dō mwaararugiru garu ko. Kpa u nùn suuru kanabun wororu koosi. Nge meya Gusunō u koo ka yēro suuru kua.

<sup>11</sup> Goo ù kun kpē u kparukonu yiru ye wa, n̄ kun mε totoberenu yiru ye, u ka som buuru kilo nne na u ka yākuru ko kpa u ka win torarun suuru wa. Adama u ku mu gum doke, u ku maa mu turare doke, domi u ka mu nawa u ka win torarun suuru wa.

<sup>12</sup> U koo ka som mε dawa yāku kowon mi kpa yāku kowo wi, u mēn nām kure teeru sōka u dō doke mi ba ra yāku dō mwaararugiru ko. Som nām kure tee te, ta koo de Yinni Gusunō u n yēro yaaye. Yāku tera ta koo de u win torarun suuru wa.

<sup>13</sup> Saa ye sō, yāku kowo wi, u koo wi u tora suuru kanabun wororu koosi. Kpa Gusunō u nùn win torarun suuru kua.

Kpa yáku kowo u me mu tie sua win tiin sō, nge gberun dīanun yākuunu.

*Yāku ni ba ra ka toranu sōme*

<sup>14</sup> Yinni Gusunō u Mōwisi sōōwa u nεε,

<sup>15</sup> goo ù n gāanu neni ni n weenε u Yinni Gusunōn wē, ma u ñ yē ma Yinni Gusunōgina, wee ye u koo ko win tora ten sō. Kaa nùn yāa kineru te ta ñ alebu gaa mōn geeru burawa te u koo kasu u ka na u ka torarun sōmbun yākuru ko. Kaa ten gee te burawa ka sii geesun gobi yi ba ra di Yinni Gusunōn kuu bekurugirō.

<sup>16</sup> Kpa u ka gāa ni u neni mi na. Yen biruwa u koo maa ka nin bōnu nōōbusen tia na. Yāku kowowa u koo ye wē. Yāku kowo wiya u koo nùn torarun yākuru kua, kpa u sere suuru wa.

<sup>17</sup> Goo ù n Yinni Gusunōn wooda gaa sara, baa u kun yē, u torawa mi. Yen torara ko n nùn wāasiwa.

<sup>18</sup> Yen sō, u koo ka yāa kineru te ta ñ alebu gaa mō dawa yāku kowon mi, win tora ten sō nge me n weenε u kōsia. Kpa yāku kowo u nùn suuru kanabun wororu koosi. Saa ye sōōra Gusunō u koo nùn suuru kua.

<sup>19</sup> Ya ko n sāawa torarun sōmbun yākuru. Domi yēro u Yinni Gusunō torariwa.

<sup>20</sup> Yinni Gusunō u kparam Mōwisi sōōwa u nεε,

<sup>21</sup> goo ù n win winsim weesu kua gāa ni u nùn berusie sōō, ñ kun me u bōkura, ñ kun me u gbena, ñ kun me u kawa,

<sup>22</sup> ñ kun me u gāanu dōba ma u siki, ñ kun me u bōri weesugii kua,

<sup>23</sup> tōnu win bweseru u Yinni Gusunō torariwa mi. U koo gāa ni u gbena mi wesia, ñ kun me ni u

kawa mi, n̄ kun mε ye ba n̄n berusia mi, n̄ kun mε ye u d̄ba ma u siki,

<sup>24</sup> n̄ kun mε yèn b̄ri u kua mi. Adama n̄ n̄ m̄ ye t̄na u koo wesia. U koo maa yen b̄nu n̄abusen tia k̄siawa d̄ma te u koo win torarun s̄mbun ȳkuru ko.

<sup>25</sup> U koo ka ȳa kineru dawa ȳku kowon mi, te ta ḡa nin gobin saka tura bu ka ye Yinni Gusun̄ ȳkuru kua.

<sup>26</sup> Yinni Gusun̄n wuswaāra ȳku kowo u koo n̄n suuru kanabun wororu koosi. Yen biru Gusun̄ u koo ȳro suuru kua, baa n̄ n m̄ren na win torara nε.

## 6

### *Yākunun woodaba*

#### *1. Yāku d̄ō mwaararugii*

##### *te yāku kowobu ba ko n da ko*

<sup>1</sup> Yinni Gusun̄ u M̄wisi s̄ōwa u nεε,

<sup>2</sup> a Aroni ka win bibu wooda yeni w̄εȳo a nεε, wee ye ya s̄a ȳku d̄ō mwaararugirun wooda.

Ten ȳku yaa ya ko n w̄awa d̄ō s̄ō w̄ku giriru, kpa bu ku de d̄ō wi, u gbi sere yam mu ka s̄ara.

<sup>3</sup> Yen biru ȳku kowo u koo win tako sebewa ka win sokoto kpiriru kpa u ȳku d̄ō mwaararugii ten torom gura u yi ȳku yee ten b̄kū.

<sup>4</sup> Yen biruwa u koo win ȳa ni pota kpa u kpaanu doke u sere torom mε sua u ka yari sansanin di. Kpa u ka mu da yam mi ba ḡsa m̄n s̄o u yi mi.

<sup>5</sup> D̄ō wi u mwaaram̄ ȳku yee ten mi, ba n̄ koo de u gbi pai! Bururu baatere ȳku kowo u ko n da

tu dāa dokewa. Yen wǎllōwa u koo yāku yaa sǎndi ka sere siarabun yāku gum.

<sup>6</sup> Dǎo u ko n wāawa yāku yee te sǎo sere ka baadommao, ba ñ koo de u gbi.

## 2. *Yākuru te ba ra ko*

### *ka gberun dīanu*

<sup>7</sup> Yāku te ba ra ko ka gberun dīanun wooda wee.

Aronin biba ba ko n da ka tu de yāku yerō Yinni Gusunǎn wuswaaǎ.

<sup>8</sup> Kpa ben wi u yākuru mǎ dǎma te, u som nǎm kure teeru sǎka mε ba ka yākuru na mε ba gum wisi, ka turare kpuro, kpa bu ye kpuro menna bu dǎo doke kpa ten nuburu tu Gusunǎ dore kpa u n yēro yaaye.

<sup>9-10</sup> Som mε mu tiara Aroni ka win biba ba koo mε di. Yera ya ko n sāa begia yāku dǎo mwaararugiru sǎo. Adama ba koo mu diwa Yinni Gusunǎn kuu bekurugirun yaaraǎ. Ba ñ mε pēε seeyatia dokemǎ. Ya sāawa nenem nge yāku te ba kua bu ka torarun suuru wan dīanu, ñ kun mε te ba ra ka toraru sǎmen dīanu.

<sup>11</sup> Aronin bii tǎn durǎ baawurewa u koo dīa ni di. Yeni ya ko n sāawa wooda win bibun bweseru sǎo sere ka baadommao. Tǎn tuko wi u koo nu baba kpuro u koo gbiwa.

<sup>12</sup> Yinni Gusunǎ u kram Mǎwisi sǎowa u nεε, yāku te Aroni ka win bibu ba koo Yinni Gusunǎ kua wee.

<sup>13</sup> Bǎ n Aroni ka win bibu tusia ma ba kua nen yāku kowobu, saa dǎma ten diya ba ko n da som kilo ita ka yākuru ko tǎo baatere, tia ka bǎnu bururu, yoka maa tia ka bǎnu.

14 Ba koo som me məmwa buturu buturu, kpa bu me səme siru sɔɔ ka gum, kpa men nuburu tu ne, Yinni Gusunə dore.

15 Yāku kowo wi ba gum tare ba gɔsa Aronin bibu sɔɔ u ka nùn kəsire ko, win tii u koo tu kowa. Ya ko n sāawa wooda sere ka baadommaɔ ne, Yinni Gusunən sɔ. Ba koo som me dɔɔ dokewa kpuro.

16 Yāku te yāku kowon tii u kua, ba koo de tu dɔɔ mwaarawa mam mam, ba n̄ koo tu di.

### 3. Yāku te ba koo ko

#### *bu ka suuru kana*

17 Yinni Gusunə u maa Məwisi sɔɔwa u nee,

18 a Aroni ka win bibu sɔɔwɔ a nee, yāku te ba koo ko bu ka suuru kanan wooda wee.

Yam mi ba ra yāku dɔɔ mwaararugirun yāku yaa sake, miya ba koo yāku tenin yaa saka. Ya ko n sāawa gāa dɛranu.

19 Yāku kowo wi u koo yāku te ko wiya u koo ye di. U koo ye diwa yam dɛramɔ, kuu ten yaaraɔ.

20 Tɔn tuko wi u koo yāku yaa ye baba kpuro u koo gbiwa. Yāku yaa yen yem mù n wisi win yabero u koo tu teawa yam dɛram mi.

21 Bà n tu sawa wekeru sɔɔ te ba kua ka sɔndu, ba koo weke te kɔrawa. N n maa weke te ba kua ka sii gandun na, ba koo tu teawa sāa sāa ka nim.

22 Yāku kowo tɔn durɔ baawurewa u koo kpĩ u tu di domi ta sāawa dīa dɛranu.

23 Adama ba n̄ koo torarun yāku yaa tem tèn yem ba ka dua sāa yerɔ. Ba koo ye dɔɔ dokewa yu dɔɔ mwaara mam mam.

## 7

### 4. Yāku te ba ra ko

*bu ka toraru sɔmɛ*

<sup>1</sup> Yinni Gusunɔ u Mɔwisi sɔɔwa u nɛɛ, yāku te ba ra ko bu ka toraru sɔmɛn wooda wee.

Yāku te, ta ko n sāawa yāku dɛɛraru.

<sup>2</sup> Mi ba ra yāku dɔɔ mwaararugirun yaa sake, miya ba koo maa ten yaa saka, kpa bu yaa yen yɛm yēka yāku yerun nɔɔ bɔkaɔ bu ka sikerena.

<sup>3</sup> Yaan mi ba koo ka Yinni Gusunɔ yākuru kua wee, yera yen gum kpuro, ka yen siru ka bɔsɔ yānun gum,

<sup>4</sup> ka yen gabu swii yiru, ka gum mɛ mu yi tēke yēsi yēsika, ka yen buro ge ga woru wukiri.

<sup>5</sup> Yāku kowo u koo ye kpuro dɔɔ dokewa yāku yerɔ Yinni Gusunɔn sɔ. Yāku te, ta sāawa te ta koo toraru sɔmɛ.

<sup>6</sup> Yāku kowo tɔn durɔ baawurewa u koo tu di. Ba koo tu diwa yam dɛɛramɔ domi ta sāawa dīa dɛɛranu.

<sup>7</sup> Yen wooda ye, ya sāawa tia ka torarun yākurugia. Yāku kowo wi u yāku te kua, wiya u yen yaa mɔ.

*5. Ye ya ko n sāa**yāku kowobugia*

<sup>8</sup> Goo ù n yāku dɔɔ mwaararugiru kua, yāku kowo wi u nùn tu kua wiya u ten gɔna mɔ.

<sup>9</sup> Yāku te ba kua ka gberun dīanu ba wɔɔwawa? Aawo, ba sɔnwawa? Yāku kowo wi u tu kua wiya u tu mɔ.

<sup>10</sup> Adama ni ba ka gum burina ka ni ba ò yeesie, ba koo nu Aronin bibu bɔnu kuawa.

*6. Siarabun yākuru*

<sup>11</sup> Siarabun yākurun wooda wee.



12 Goo ù n siarabun yākuru m̀, u koo kira bwe-senu ita kowa. U koo gbiikinu ko ka gum nu kun seeyatia m̀, kpa u yirusenun som gum yēka nu kun seeyatia m̀, kpa u itasenun som burina ka gum u s̄mε.

13 Kira nin biru, u koo p̄ε ye ba seeyatia doke sosi mi, ka sere win siarabun yākunun yaa.

14 Ba koo yāku d̄ia nin baaniren sukum suawa wallo bu Yinni Gusun̄ s̄ōsi. Yera ya ko n s̄a wi u yem yēkaginu.

15 D̄oma te ba siara bin yākuru kua, yen d̄oma tera ba koo ten yaa di, ba ñ koo de ten yaa yu yam s̄ara.

16 Adama goo ù n yākuru kua u ka win n̄o mwεeru yibia ñ kun mε win tii ù n ḡoru doke u ka nε, Yinni Gusun̄ k̄eru w̄ε, u koo kp̄i u ten yaan sukum di yen t̄ō te, kpa u sukum yi sere sisiru.

17 Adama yà n maa wure ya tiara s̄ō itaseru ba koo ye d̄ō meniwa.

18 Goo ù n siarabun yāku yaa ye ya tiara sere s̄ō ita tema, Gusun̄ kun maa ȳeron yāku te mwaam̄. U win yākuru garisiwa mi kam domi yaa ye, ya disi duura. Wì u maa ye tema, ȳero u torawa mi.

19 M̄eya bà n maa ka yāku yaa ḡaanu baba ni nu disi m̀, ba koo ye d̄ō meniwa, ba ñ ye dim̄.

Wi u kun disi m̀, wiya koo yāku yaa tem,

20 adama goo ù n w̄aa disi ḡεε s̄ō u ka siarabun yākuru dim̄ te ba Yinni Gusun̄ kua, ba koo ȳero girawa win t̄ambun suunu s̄ōn di.

21 Goo ù n maa t̄onu baba wi u disi m̀, ñ kun mε yaa gaa ye ya s̄a seseru, ñ kun mε ḡaanu ganu ni nu disi m̀, ma u ka siarabun yākuru di te ba Yinni Gusun̄ kua ba koo ȳero girawa win t̄ambun suunu s̄ōn di.

*Wooda Isireliban sã*

22 Yinni Gusunɔ u maa Mɔwisi sɔɔwa u nɛɛ,

23 a Isireliba sɔɔwa a nɛɛ, bu ku yaa gaan gum di nge yáaru ñ kun mɛ ketɛ, ñ kun mɛ boo. Bu ku yen gaan gum di.

24 Sabe te gbeeku yaa ya go, ñ kun mɛ te ta gu, i ko i kpĩ i ka ten gum gãanu ko. Adama i ñ mu dimɔ.

25 Goo ù n yákurun yaan gum di mɛ ba ka Yinni Gusunɔ yáku dɔɔ mwaararugiru kua, ba koo yẽro girawa wigibun suunu sɔɔn di.

26 I ku gunɔ gagun yem di ñ kun mɛ yaa gaa, baa mi i da kpuro.

27 Wi u mu di, ba koo yẽro girawa win tɔmbun suunu sɔɔn di.

28 Yinni Gusunɔ u Mɔwisi sɔɔwa u nɛɛ,

29 a Isireliba wooda yeni wɛɛyɔ a nɛɛ, goo ù n nɛ Yinni Gusunɔ siarabun yáku kuammɛ, u koo wunawa ye ya sãa nɛgia.

30 Win tiwa u koo ka nɛ, Yinni Gusunɔ yen gum ka yen guro guroru naawa u kpara nɛn wuswaaɔ.

31 Yáku kowowa u koo yen gum mɛ dɔɔ doke yáku yerɔ. Adama yaa guro guro te, ta ko n sãawa Aroni ka win bibugiru.

32 Yáku yaa yen nɔmu nɔm geuguu ga ko n maa sãawa Aroni ka win bibuguu.

33 Yaa nɔmu ge, ga ko n sãawa Aronin biiguu wi u yem yɛka ma u yaa gum mɛ doke yáku yerɔ.

34 Yaa nɔmu ge, ge ba man sãasi, ka yen guro guro te ba kpara nɛn wuswaaɔ sanam mɛ ba siarabun yáku m̀ mi, yera ya ko n da n sãa Aroni ka win bibugia sere ka baadommaɔ.

35 Yáku dɔɔ mwaararuginu sɔɔ, yeniwa ya ko n sãa Aroni ka win bibugia dɔma tɛn di ba koo bu

gum tãre bu ka ko yãku kowobu.

<sup>36</sup> Wooda yera Yinni Gusunɔ u Isireliba wẽɛmɔ bu ka Aroni ka win bibu yaa ye wẽ saa dɔma tɛn di ba bu gum tãre bu ka ko yãku kowobu. Ba ko n da bu ye kuewa sere ka ben bibun bweserɔ.

<sup>37</sup> Nge mɛya ba ko n da ko bà n yãku dɔɔ mwaararugiru m̀, ñ kun mɛ bà n yãkuru m̀ ka gberun dīanu, ñ kun mɛ bà n torarun yãkuru m̀, ñ kun mɛ bà n yãkuru m̀ te ba ra ka toraru sɔmɛ, ñ kun mɛ te ba ra ko bu ka tɔnu gum tãre u sere sɔmburu tore, ñ kun mɛ bà n siarabun yãkuru m̀.

<sup>38</sup> Yinni Gusunɔwa u Mɔwisi wooda yeni wẽ gbaburɔ, Sinain guurɔ, tɔɔ te u bu wooda wẽ bu ka nùn yãkunu kua.

## **BA YĀKU KOWO GBIKOBU TUSIA KA WORORU**

### **8**

*Woro te ba koo ko*

*yãku kowobun sã bu sere*

*sɔmburu tore*

<sup>1</sup> Yinni Gusunɔ u Mɔwisi sɔɔwa u nɛɛ,

<sup>2-3</sup> a Aroni ka win bibu sokuo Yinni Gusunɔn kurun kɔnnɔwɔ. Kpa a de bu ka ben yãku yãnu na ka gum mɛ ba ra gãanu tãre bu ka nu gɔsi Yinni Gusunɔn sã ka naa kinɛ te ba koo ka torarun yãkuru ko ka yãa kinɛnu yiru ka hire te ta pɛɛ mɔ ye ba ñ seeyatia doke. A maa Isireliba kpuro mɛnnɔ mi.

<sup>4</sup> Ma Mɔwisi u Yinni Gusunɔn gari yi wura u Isireliba kpuro mɛnna sãa yee ten kɔnnɔ mi.

<sup>5</sup> Ma u bu sɔɔwa u nɛɛ, wee ye Yinni Gusunɔ u gerua su ko.

6 Ma u dera Aroni ka win bibu ba na u bu wobura.

7 Ma u Aroni win tako sebusia ka sêkatia ye, ka yabe boogugii te, ka yabe tarakpe ge, ge u gbinisi yabe boogugii te sɔɔ ka gen sêkatia.

8 Ma u bɔɔ bara ye sɔndi win tororu wɔllɔ. Ma u urimu ka tumimu doke bɔɔ bara yen sɔɔwɔ.

9 Ma u dawani ye bɔkua win wirɔ. Ma u wuran batani ye mani nge mɛ Yinni Gusunɔ u nùn sɔɔwa.

10 Mɔwisi u gum mɛ sua u sãa yee te yêka ka ten dendi yãnu kpuro, ma ta kua nenem Yinni Gusunɔn sɔ.

11 Ma u mu yêka nɔn nɔɔba yiru yãku yerun wɔllɔ, ka ten dendi yãnɔ ka boo sii ganduguu ge, ka gen yɔratiiyɔ, ye kpuro ya n ka sãa Gusunɔn kuu bekurugirugia.

12 Ma u Aroni gum mɛ tãre wirɔ u ka nùn wuna nenem u ko yãku kowo.

13 Yen biru Mɔwisi u maa Aronin bibu soka u bu takoba dokea ka sêkatii ka furɔsu nge mɛ Yinni Gusunɔ u nùn sɔɔwa.

14 Mɔwisi u maa ka naa kinɛru na te ba koo ka torarun yãkuru ko. Ma Aroni ka win bibu ba ben nɔma sɔndi naa kinɛ ten wiru wɔllɔ.

15 Ma Mɔwisi u ye saka u yen yem dɛka ka win niki bia u tɛeni yãku yerun kãanu wɔllɔ ka sere maa ten nɔɔ bɔkaɔ u ka sikerena. Nge mɛya u ka kuu te dɛerasia. Ma u maa yem yêka kuu ten temɔ. Nge mɛya u ka kuu te kua nenem tèn mi ba ko n da toranun yãkuru ko.

16 Ma u yen gum mɛ sua mɛ mu bɔsɔ yãnu têke ka yen buro ge ga woru wukiri ka yen gabu swii yiru ye, ka yin gum sannu. Ye kpurowa u dɔɔ doke yãku yerun wɔllɔ.

17 Adama u naa kinε ten tii ka ten bisu ka ten gona yarawa tɔwɔ u dɔɔ doke nge mε Yinni Gusunɔ u nùn sɔɔwa.

18 U maa ka yāa kinεru na yāku dɔɔ mwaararugirun sɔ. Ma Aroni ka win bibu ba ben nɔma sɔndi yāa ten wiru wɔllɔ.

19 Ma Mɔwisi u tu saka u ten yem yēka u ka yāku yee ten nɔɔ bɔka sikerena.

20 Ma u yāa ten yaa bɔɔra, yen biru u ten wiru dɔɔ doke ka ten gum ka yaa ye u murura mi.

21 Ma u ten nuki ka ten kōri tea ka nim. Ma u yāa kinε ten yaa doke dɔɔ sɔɔ yāku yeru wɔllɔ u ka yāku dɔɔ mwaararugiru kua nge mε Yinni Gusunɔ u gerua. Ma yāku ten nubura Yinni Gusunɔ dore.

22 Yen biru u maa ka yāa kinεru yiruse na te ba koo ka Aroni ka win bibu tusia ma ba sāa yāku kowobu. Aroni ka win bibu ba ben nɔma sɔndi yāa ten wiru wɔllɔ.

23 Ma Mɔwisi u tu saka, u ten yem sua u tɛeni Aronin soo nɔm geuguuɔ ka nɔm geun niki bii bakaɔ ka maa win nɔɔ nɔm geuguun niki bii bakaɔ.

24 Ma u maa Aronin bibu soka u bu yaa yem mε tɛeni ben soo nɔm geugisɔ, ka maa nɔm geun niki bii bakanɔ ka ben naa nɔm geugisun niki bii bakanɔ. Ma u yem mε mu tie yēka yāku yee ten nɔɔ bɔkaɔ.

25 Ma u yen gum sua ka yen siru ka yen nukin gum ka yen buro ka yen gabu swii ka sere yen nɔm geu.

26 Ma u pɛε sua bireru sɔɔ ye ba ñ seeyatia doke ka kira te ba kua ka gum ka sere maa kira sɔndanu. Ma u ye kpuro sɔndi yaa gum mɛn wɔllɔ ka yāa nɔmu gen wɔllɔ.

<sup>27</sup> Yen biru u ye Aroni ka win bibu wē. Ma u neε, bu ye Yinni Gusunɔ wēεyɔ. Kpa bu ye sɔɔsi beri berika.

<sup>28</sup> Yen biru u ye kpuro mwa ben naman di u dɔɔ meni yāku dɔɔ mwaararugii ten wɔllɔ. Ma yen nubura Yinni Gusunɔ dore. Nge meya ba ka Aroni ka win bibu wuna nenem.

<sup>29</sup> Ma Mɔwisi u yāa ten guro guroru sua u tu sɔɔsi beri berika Yinni Gusunɔn wuswaaɔ. Ma ta kua Mɔwisigiru nge me Yinni Gusunɔ u nūn sɔɔwa.

<sup>30</sup> Mɔwisi u gum me sua ka yem fiiko me mu wāa yāku yeru wɔllɔ, ma u mu Aroni yēka ka win sāa yānɔ ka sere maa win bibun wɔllɔ ka ben sāa yānu sɔɔ. Nge meya u ka ye kpuro dεerasia u yi nenem.

<sup>31</sup> Ma Mɔwisi u Aroni ka win bibu sɔɔwa u neε, i yāku yaa ye saawo Yinni Gusunɔn wuswaaɔ. Miya i ko i ye di ka pēε ye ya wāa bire te sɔɔ. Bεεya i ko ye di nge me Yinni Gusunɔ u gerua.

<sup>32</sup> Yaa ka pēε ye ya tiara, i ko ye kpuro dokewa dɔɔ sɔɔ yu dɔɔ mwaara.

<sup>33</sup> I ko i n wāawa kuu ten kɔnnɔ mi sere sɔɔ nɔɔba yiru. I n yariɔ min di. Domi sɔɔ nɔɔba yiruwa i ko i ko ba n bεε tusiamɔ.

<sup>34</sup> Yinni Gusunɔwa u yenin wooda wē i n da ko nge me i wa sa kua gisɔ i ka bεen toranun suuru wa.

<sup>35</sup> N n men na, i ko i sinawa kuu ten kɔnnɔ mi sere sɔɔ nɔɔba yiru, wɔkuru ka sɔɔ sɔɔ. Kpa i win woodaba mem nɔɔwa i ku ra ka gbin sɔ. Wooda be Yinni Gusunɔ u man wē bera mi.

<sup>36</sup> Ma Aroni ka win bibu kpuro ba kua ye Yinni Gusunɔ u bu yiire saa Mɔwisin min di.

## 9

### *Aroni ka win bibu*

*ba sɔmburu torua*

<sup>1</sup> Sɔɔ nɔɔba itase, Mɔwisi u Aroni ka win bibu soka ka sere Isireliban guro gurobu.

<sup>2</sup> U Aroni sɔɔwa u nɛɛ, a naa kinɛ kpendu suo a ka yākuru ko wunen torarun sɔ, kpa a yāa kinɛru kasu a ka yāku dɔɔ mwaararugiru ko. A n̄ kaa de yen gaa ya n alebu mɔ. Kpa a ka ye kpuro Yinni Gusunɔ yākuru kua sāa yerɔ.

<sup>3</sup> Yen biru kaa Isireliba sɔ a nɛɛ, bu boo kinɛru suo ben torarun yākurun sɔ ka naa buu ka yāaru ye kpuro ya n wɔɔ tia tia mɔ, kpa ya kun alebu gaa mɔ. Ba koo ka ye yāku dɔɔ mwaararugiru kowa.

<sup>4</sup> Kpa a maa ka naa kinɛru ka yāa kinɛru na bu ka siarabun yākuru ko Yinni Gusunɔn mi, ka som mɛ ba bura ka gum. Domi Yinni Gusunɔ u koo bɛɛ kure mi gisɔ.

<sup>5</sup> Ba ka ye kpuro na kuu ten mi ye Mɔwisi u bikia. Ma be kpuro ba na Yinni Gusunɔn wuswaaɔ.

<sup>6</sup> Mɔwisi u nɛɛ, i koowo ye Yinni Gusunɔ u gerua. Kpa u de win yiiko yu bɛɛ kure.

<sup>7</sup> Mɔwisi u Aroni sɔɔwa u nɛɛ, a susima yāku yeru mini, kpa a wunen tiin torarun yākuru ko ka yāku dɔɔ mwaararugiru. Yen biru kpa a maa wunen tambu Isireliban toranun yākuru ko nge mɛ Yinni Gusunɔ u gerua.

<sup>8</sup> Ma Aroni u susi yāku yee ten bɔkuɔ. Ma u naa kinɛ kpɛm te go win torarun sɔ.

<sup>9</sup> Ma win biba n̄n̄n̄ yen yɛm wɛ. Ma u mu deka ka niki bia u tɛni sāa yerun kāanu sɔɔ, ma u mɛ mu tie wisi yāku yee ten temɔ.

<sup>10</sup> Yen biru u yaa yen gum sua u dɔɔ doke ka yen gabu swii yiru ka yen buro ge ga woru wukiri nge mɛ Yinni Gusunɔ u gerua.

11 Adama yen yaa ka yen góna, tǎwǎwa u da u ye dǎo doke.

12 Yen biru Aroni u yǎa te saka bu ka yǎku dǎo mwaararugiru ko. Ma win biba ten yem sua ba nùn wē. Ma u mu yēka u ka yǎku yee ten nǎo bǎka sikerena.

13 Yen biru ba yǎa ten yaa bǎra ba Aroni wē ka ten wiru. Ma u ye kpuro dǎo doke.

14 U ten nuki tea ka ten kōri u sǎndi yǎku dǎo mwaararugii ten wǎllo u dǎo doke.

15 Yen biru u Isireliban yǎkunu kua. U boo ge saka ge ba koo ka yǎkuru ko tǎmbun toranun sǎ ma u kua nge mē u raa yǎku gbiikii te kua ka naa kinē kpembu ge.

16 Yen biru u yǎku dǎo mwaararugiru kua nge mē wooda ya gerua.

17 Ma u gberun dǎanu sua u ka yǎkuru kua. U som nǎm kureru sua u dǎo doke yǎku yerun wǎllo bururu baateren yǎku dǎo mwaararugii te baasi.

18 U ketē ye ka yǎa kinē te saka ba ka siarabun yǎkuru kua Isireliban sǎ. Ma win bibu ba nùn yen yem wē u ka mu yēka yǎku yerun nǎo bǎkaǎ u ka sikerena.

19 Ma ba maa nùn ketē yen gum wē ka yǎa ten siru ka maa ten gum mē mu ten bǎsǎ yǎnu tēke ka sere maa ten gabu swii ka maa ten buro ge ga woru wukiri.

20 Ma u yaa yen gum sǎndi yen guro gurorun wǎllo. Yen biru u gum mē dǎo doke yǎku yeru wǎllo.

21 Ma Aroni u yaa yen guro guro ni sua ka yen nǎm geu ge, u sǎosi beri berika Yinni Gusunǎn wuswaaǎ nge mē Mǎwisi u gerua.



22 Sanam mε Aroni u toranun yākuunu ka yāku dōo mwaararuginu ka siarabun yākuunu kua u kpa, yera u nōma sua wōllō u Isireliba domaru kua. Yen biru u sara yāku yerun di.

23 Mōwisi ka Aroni ba dua kuu ten mi. Ye ba yara, ma ba tōmbu domaru kua. Saa yera Yinni Gusunō u bu win yiikon girima sōosi.

24 Ma dōo yari yara win wuswaan di yi da yi yāku dōo mwaararugii te mwa ka yāku ni nu tien yaa gum mε. Ma Isireliba kpuro ba ye wa. Ma ba nuku dobun kuuki wōri ba yiira sere temō.

## 10

### *Aronin biba dōo mwaara*

1 Aronin bibu Nadabu ka Abihu ben baawure u win dōo guratia sua ba dōo gure, ma ba turare doke mi. Yen biru ba ka Yinni Gusunō daawa kuu bekurugirō. Nge mεya ba ka dōo tuko da kuu ten mi. N deema Yinni Gusunō u bu ye yinari.

2 Yera u dera dōo u yara u bu di ma ba gu mi.

3 Ma Mōwisi u Aroni sōwa u nεε, Yinni Gusunō u n daa bεε sōwa u nεε, u kīwa be ba nūn susimō bu win dεεraru nasia, kpa bu nūn bεεεε wē tōmbu kpuron wuswaaō? Ma Aroni u win nōo mari.

4 Ma Mōwisi u Misaeli ka Elisafani Usielin bibu soka. Usieli wi, u sāawa Aronin tondon wōnōn bii. Mōwisi u bu sōwa u nεε, i na i bεεn wōnōbun gonu sua kuu ten min di i ka nu da sansanin biruō.

5 Ma ba na ba goo ni sua ka nin takoba sannu ba ka da sansanin biruō nge mε Mōwisi u gerua.

6 Ma Mōwisi u Aroni ka win bibu yiru be ba tie Eleasaa ka Itamaa sōwa u nεε, i ku bεεn winu deri diinu, i ku maa bεεn yānu gēeku nuku sankiranun

sō kpa Gusunō u ku raa bεε go kpa u ka Isireliba mōru ko. Adama i de bεen mero bisibu Isireliba bu swī be dōō u din sō.

<sup>7</sup> Bεen tii i ku doona kuu ten kōnnōn di kpa i ku ra ka gbin sō. Domi gum mε ba bεε tāre mi, mu bεε kuawa mi Yinni Gusunōn yāku kowobu.

Ma Aroni ka win bii be, ba kua ye Mōwisi u gerua.

### *Gusunō u yāku kowobu*

#### *yinari bu tam nō*

<sup>8</sup> Yinni Gusunō u Aroni sōōwa u nεε,

<sup>9-11</sup> a ñ kaa tam bōōbōm gam nō wunε ka wunen bibu i n dōō nen kuu bekurugirō, kpa i ku ra ka gbin sō. Kpa i ka kpī i wunana ye ya sāa sāarugia ka ye ya ñ sāa sāarugia. Meya i ko i maa kpī i wunana ye ya dεere ka ye ya ñ dεere. Meya i ko i maa kpī i Isireliba Gusunōn woodaba kpuro sōōsi ye u Mōwisi wē. Yeni ya ko n sāawa wooda sere ka bεen bibun bweserō.

#### *Wooda ye ba yi*

#### *yāku dīanun sō*

<sup>12</sup> Mōwisi u Aroni ka win bibu yiru be ba nùn tie, Eleasaa ka Itamaa sōōwa u nεε, i som mε suo mε ba ka yākunu kua mu tiara. Kpa i ka mu pēε ko ye i kun seeyatia doke. Kpa i ye di yāku yerun bōkuō. Domi nu kuawa mi dīa dεeranu.

<sup>13</sup> I ko ye diwa yam dεeram sōō. Yera ya ko n sāa wunε ka wunen bibugia nge mε Yinni Gusunō u man sōōwa.

<sup>14</sup> Meya wunε ka wunen bii tōn durōbu ka tōn kurōbu i ko i yaa nōmu ge ba kpara mi di ka guro guro te ba sōōsi beri berika Yinni Gusunōn

wuswaaɔ. Yera ya ko n sãa wunε ka wunεn bibugia Isireliba bà n siarabun yākuru kua.

<sup>15</sup> Isireliba ba ko n da ka yen nāmu ge ka guro guro te nēwa ka sere maa yaa gum mε ba ra dōo doke yāku yerun wōllu mi. Bà n ye kpuro sōosi beri berika ba kpa, ya koo kowa wunε ka wunεn bibugia. Ya ko n sãawa wooda sere ka baadommaɔ nge mε Yinni Gusunɔ u gerua.

<sup>16</sup> Yera Mōwisi u torarun yāku boo ge bikia. Adama u deema ba gu dōo mēni. Yera u ka Aronin bibu yiru Eleasaa ka Itamaa mōru bara u nεε,

<sup>17</sup> mban sōna i ñ boo gen yaa temε Yinni Gusunɔn kuru mini. Domi ga sãawa dīa dεeranu. Yinni Gusunɔ u bεε gu wēwa i ka Isireliba kpuron toranun yākuru ko.

<sup>18</sup> Adama i ñ ka gen yem duumε Yinni Gusunɔn kuu ten sōwɔ. N deema i ko i raa gen yaa temwa kuu ten mi nge mε Yinni Gusunɔ u man sōwɔa.

<sup>19</sup> Aroni u Mōwisi sōwɔa u nεε, a yē ye n man deema sanam mε Isireliba ba Yinni Gusunɔ yākuru kua ben toranun sō ka maa yāku dōo mwaararugiru. Yen dōma te, nà n torarun suurun yāku ten yaa di, ya koo Gusunɔ dore? Aawo! Ya ñ Gusunɔ doremɔ.

<sup>20</sup> Ma Aronin wisi bi, bu Mōwisi dore.

**YE YA DƐƐRE KA YE YA N DƐƐRE**

## 11

*Yaa ye ya sãa seseru*

<sup>1</sup> Yinni Gusunɔ u Mōwisi ka Aroni sōwɔa u nεε,

<sup>2</sup> bu Isireliba sōwɔ bu nεε, yεε yi ba koo kpī bu di wee.

<sup>3</sup> Ba koo kpĩ bu yaa di ye ya naa kaburosu mɔ ma ya ra tuka ko.

<sup>4</sup> Adama ba ñ yεε dimɔ yi yi ra tuka ko tɔna ma yi ñ naa kaburosu mɔ. Nge mɛya ba ñ yooyoo temmɔ yèn sɔ ga ñ naa kaburosu mɔ baa mε ga ra tuka ko. Ba koo gu garisiwa yaa disigia.

<sup>5</sup> Ba ñ koo yaa ye ba mɔ damaa\* tem baa mε ya ra tuka ko yèn sɔ ya ñ naa kaburosu mɔ.

<sup>6</sup> Mɛya ba ñ koo maa wukun yaa tem domi ga ñ naa kaburosu mɔ baa mε ga ra tuka ko. Ba koo gu garisiwa yaa disigia.

<sup>7</sup> Mɛya ba ñ koo maa kurusɔ di. Ga naa kaburosu mɔ adama ga ku ra tuka ko. Ba koo gu garisiwa yaa disigia.

<sup>8</sup> Bu ku yεε yi di, bu ku maa yin gonu baba. Ba koo yi garisiwa disigii.

<sup>9</sup> Yεε yi yi maa wāa daanɔ ka nim wɔkuɔ, yi yi wāa nim sɔɔ gesi kpuro yi ba koo di wee. Yiya yi yi kēeritii mɔ ka kokosu sannu.

<sup>10</sup> Adama yi yi kun kēeritii mɔ ka kokosu sannu, ba koo yi garisiwa disigii.

<sup>11</sup> Ba ñ koo yi di. Mɛya bu ku maa yin gonu baba.

<sup>12</sup> Yεε yi yi gesi wāa nim wɔku sɔɔ, ka daanɔ, ma yi ñ kēeritii ka koko si mɔ, ba koo yi garisiwa disigii.

<sup>13</sup> Gunɔsu sɔɔ, si ba koo garisi disigisu wee, siya gunɔ bakeru ka sere maa si su ra swēε di ka si su ra yaa di

<sup>14</sup> ka yaberekunu ka sere si su ka nu weenε

<sup>15</sup> ka gbanamgbaanu ka maa si su ka nu weenε

<sup>16</sup> ka taataanu ka booro ka sere si su ka su weenε  
ka kasa ka si su ka ye weenε,

---

\* **11:5 damaa** - Damaa ye, ya ka saataburu weenε.

17 ka booro bweseru garu ka nim kpakpayε, ka booro dāa kōru

18 ka guno gbamgbayaku ka guno si su ra swēε din bweseru

19 ka swāa wīaku ka si su ka ye weenε ka kōo.

20 I ku maa kəkəmii ni nu kasa ka naasu mō di.

21 Adama ni sōo, i ko i kpī i di ni nu ra yōku tem sōo

22 nge twea ka gbōo ka ni nu ka ye weenε.

23 Adama ni nu tie nu kasa ka naasu mō mi, i ku nu di.

### *Ye ya ra tōnu ko disigii*

24 Yεε gεε wāa yin goru tōnu ù n baba u koo ko disigii. U ko n disi mōwa sere ka tōo ten yokaō.

25 Wi u yin goru sōowa, u koo win yānu teawa. Kpa u n wāa disi sōo sere ka yokaō.

26-28 Yεε yi i ko i garisi disigii yi wee. Yiya yi yi ñ naa kaburosu mō ka yi yi ku ra tuka ko ka sere yi yi naasu nne mō yi sīimō ka naa sēnu. Wi u yin gaa baba u disi duurawa mi sere ka tōo ten yokaō. Wi u maa yin goru sōowa u koo win yānu teawa kpa u n disi mō sere ka tōo ten yokaō.

29 Yεε yi yi kabirimō sōo wee yi i ko i garisi disigii. Yiya guno yantaru ka guno kiikiiru ka dēba ka ye ya ka ye weenε kpuro

30 ka duuruβεεku ka sureru ka korombōoru ka sokoro ka suno naki.

31 Yi kpurowa i ko i garisi disigii yεε yi yi kabirimō sōo. Wi u yin gaan goru baba u ko n disi mōwa sere ka tōo ten yokaō.

32 Yin gaan goru tà n wōri dendi yānu sōo ni ba kua ka dāa ñ kun mε ka bekuru ñ kun mε ka gōna ñ kun mε ka saaki, dendi yāa ni, nu disi duurawa

mi. Ba koo nu dokewa nim sɔɔ sere ka tɔɔ ten yokaɔ.  
Yen biru nu sere dɛɛra.

<sup>33</sup> Yen gaa yà n wekeru garu wɔri te ba kua ka sɔndu, ye ya wāa mi sɔɔ kpuro ya disi duurawa mi. Ba koo weke te kɔrawa. Bà n nim doke weke te sɔɔ, ma nim mɛ, mu tāra dīanu sɔɔ n̄ kun mɛ nɔrura gaa sɔɔ, ba koo ye kpuro garisiwa disi.

<sup>34</sup> Bà n nim doke weke te sɔɔ, ma nim mɛ, mu dāare dīanu sɔɔ n̄ kun mɛ nɔrura gaa sɔɔ, ba koo ye kpuro garisiwa disi baa n̄ n weke tere sɔɔn na ya wāa.

<sup>35</sup> Mi yaa yen goru ta wɔri kpuro gesi, doo koo yerɔ n̄ kun mɛ pɛɛ wɔɔ yerɔ, ba koo ye kpuro kɔsukuwa. Domi ye kpuro ya disi duurawa mi.

<sup>36</sup> Yaa goo te, tà n wɔri dɔkɔ sɔɔ n̄ kun mɛ daara, i n̄ ko i nim mɛ garisi disi. Adama wi u tu baba u disi duurawa.

<sup>37</sup> Tà n wɔri dīa bwese te ba koo duure sɔɔ, dīa bwese te, ta n̄ disi duure.

<sup>38</sup> Adama bà n daa dīa bwese te wasan na bu ka di, ta disi duurawa mi.

<sup>39</sup> Yaa ye ba ra di yà n ka tii gu, wi u yen goru baba, yēro u disi duurawa mi sere n ka ko tɔɔ ten yoka.

<sup>40</sup> Wi u yen yaa tema n̄ kun mɛ u yen goru sɔɔwa, u koo win yānu teawa kpa u n̄ disi mɔ sere ka tɔɔ ten yokaɔ.

<sup>41</sup> I ku yɛɛ yi yi kabirimɔn yaa tem

<sup>42</sup> ka yi yi ra ka nukuru sī ka yi yi kabirimɔ ka naasu nne n̄ kun mɛ yi yi naa dabinu mɔ. I ko ye kpuro deriwa mam mam.

<sup>43</sup> I ku de yɛɛ yin bweseru yi bɛɛ ko disigibu.

<sup>44</sup> Domi nɛ Gusunɔ na sāawa bɛɛn Yinni. I ko i tii dɛɛrasia kpa i n̄ dɛɛre. Domi na sāawa Dɛɛro. Yen sɔna i n̄ ko i tii disi doke ka yɛɛ yi yi kabirimɔ.

<sup>45</sup> Nēna na bεε yarama Egibitin di na n ka sãa bεεn Yinni. Yen sō, i de i n dεere. Domi na dεere.

<sup>46</sup> Wooda yeni kpurowa na yi yεε kpuron sō ka gunasu ka yεε yi yi wãa nimō ka sere yi yi kabirimō.

<sup>47</sup> Yera ya koo de i n da yaa wunanε ye ba koo ka yākuru ko ka ye ba ñ ka yākuru mō. Mεya maa ya koo bεε sōsi yaa ye i ko i di ka ye i ñ dimō.

## 12

### *Tɔn kurɔ̀ ù n maran wororu*

<sup>1</sup> Yinni Gusunō u Məwisi wooda wē u nεε,

<sup>2</sup> a Isireliba sōwō a nεε, tɔn kurɔ̀ ù n gura sua ma u bii tɔn durɔ̀ mara, u ko n disu mōwa sōo nōba yiru nge sanam mε u yasa mō.

<sup>3</sup> Sōo nōba itase, kpa bu win bii wi bango kua.

<sup>4</sup> Adama kurɔ̀ wi, u ko n wãawa disu sōo sōo tɛna ka ita kpam u sere dεera yem mε u yarin sō marubun saa. U ku raa sãa yãnu ganu baba, u ku raa maa da Gusunɔn kuu bekurugirɔ̀ sere tōo te, tu ka turi.

<sup>5</sup> N n maa tɔn kurɔ̀n na u mara, u ko n wãawa disu sōo alusuma yiru. Ya ko n sãawa nge sanam mε u yasa mō. Yen biru u koo kowa sōo wata ka nōba tia u sere dεera win yem mε mu yarin sō marubun saa.

<sup>6</sup> Tɔn kurɔ̀ wi u mara, win dεerasiabun saa yà n tura, u koo ka yãaru wōo tiagiru nawa u ka yãku dōo mwaararugiru ko. Kpa u totobereru ñ kun mε kparuko sua u ka win torarun yākuru ko.

<sup>7</sup> Yãku kowowa u koo ka ye yākuru ko. Kpa u nùn win torarun suuru kana. Saa ye sōora u koo dεera win yem mε mu yarin sō.

Wooda yeniwa nε, Yinni Gusunō na wēemō tɔn kurɔ̀ wi u bii maran sō.

<sup>8</sup>U kun yāaru wa, u koo totobereɛnu yiru ñ kun mε kparukonu yiru kasu. Nin teuwa u koo ka yāku dōo mwaararugiru ko kpa u maa ka teu geni torarun yākuru ko. Yāku kowowa u koo nùn yāku te kua. Saa ye sōra u koo dεera.

## 13

### *Gənan bararun wooda*

<sup>1</sup>Yinni Gusunə u Məwisi ka Aroni sōwa u nεε,

<sup>2</sup>goo ù n məsiru mə wasi sō, ñ kun mε debu, ñ kun mε bau kpiku ge ga ka bara disigiru weenε, ba koo ka yēro dawa yāku kowo Aronin mi ñ kun mε win bibun turon mi.

<sup>3</sup>Yāku kowo wiya u koo bara te mεeri. U n deema bau ge, ga san kpikisu mə, ma ga wəru mə, saa ye sōra u koo gere ma yēro u bara disigiru barə.

<sup>4</sup>U n maa bau kpiku gagu mə ma ga ñ wəru mə, ma gen sansu kun buriri, yāku kowo u koo ka yēro dawa diru garu sō u kenusi sō nəba yiru.

<sup>5</sup>Sō nəba yiruse, yāku kowo ù n wa bau ge, ga ñ yabi, u koo maa nùn kenusiwa sō nəba yiru.

<sup>6</sup>Sō nəba yiruse te, yāku kowo u koo maa nùn yarawa u mεeri. U n deema ga ñ yabi baama, u koo yēro sōwa ma u dεere, ya sāawa debu, kpa u win yānu tea u dεera.

<sup>7</sup>Amen biru, debu ye, yà n yabi gəna ye sō, yēro u koo maa wurawa yāku kowo u nùn mεeri.

<sup>8</sup>Yāku kowo wi, ù n nùn mεera ma u deema ya yabi win gəna sō, u koo yēro sōwa ma u ñ dεere, u bara disigiru mowa.

<sup>9</sup>Goo ù n bara disigiru barə, ba koo ka nùn dawa yāku kowon mi.



10 Yáku kowo wiya u koo nùn mɛɛri. U n bau kpiku wa mi, ma bau gen sansu buriri, ma gɔna ye, ya boo kua,

11 ya sãawa bara disigii te ta torumɔ yêron gɔna sɔɔ. Yáku kowo u koo yêro garisiwa disigii. U n̄ maa nùn kenusimɔ.

12 Adama yáku kowo ù n mɔsi mɔsiminu wa nu yabi yêron gɔna kpuro sɔɔ, saa win wirun di sere ka naasɔ,

13 u koo yêro garisiwa u dɛɛre, domi win wasi kpuro yi burura.

14 Adama dɔma te ba boo swãɔ wa win wasi sɔɔ, ba koo nùn garisiwa disigii.

15 Yáku kowon tiiwa u koo nùn mɛɛri. U n deema boo swãɔ u wãa mi, u koo nùn garisiwa disigii, domi ya sãawa bara disigiru.

16 Adama win wasi yi, yì n kɔsa, ma yi burura kpuro, u koo maa dawa u yáku kowo wa.

17 Yen biru, yáku kowo u koo ye mɛɛriwa. U n wa ya burura, saa ye sɔɔ, u koo yêro garisiwa u dɛɛre.

18 Goo ù n win bwisi kpaka sɔɔ

19 mɔsiru garu wa, ma u deema ta buriri, n̄ kun mɛ ta s̄ri, yêro u koo dawa u tii s̄ɔsi yáku kowon mi.

20 Yáku kowo wi, u koo nùn mɛɛriwa. U n deema mɔsi te, ta wɔru mɔ, ma win wasin sansu su burura, saa ye sɔara yáku kowo u koo nùn garisi disigii. Bara disigira ta yarimɔ saa bwisi kpaka yen min di.

21 Adama yáku kowo ù n wa ma san kpikisu sari mɔsi ten wɔllɔ, yen biru mɔsi te, ta n̄ wɔru mɔ, ma ta buriri fiiko, u koo durɔ wi kenusiwa dirɔ s̄ɔ nɔɔba yiru.

22 Məsi te, tà n gəna yabi, yāku kowo u koo nùn garisiwa disigii domi bara disigira ta nùn deema.

23 Adama məsi te, ta kun yabi, ta sāawa bwisi kpaka. Saa ye sɔɔ, yāku kowo u koo gere ma yēro kun disi mə.

24 Goo ù n dɔɔ mwaara ma yen boo kpaka sɔɔ bau kpiku ga yara, n̄ kun mɛ bau sɔɔ, yāku kowo u koo yēro mɛɛriwa.

25 Gen sansu sùn n kua kpikisu ma wəru ga sɔɔsire gəna ye sɔɔ, saa ye sɔɔ bara disigira ta sɔɔsira mi. Yāku kowo u koo nùn garisiwa disigii.

26 Adama yāku kowo ù n wa ma san kpikisu sari bau ge sɔɔ, ga n̄ maa wəru mə, ma ga buriri fiiko, u koo yēro kenusiwa dirɔ sɔɔ nɔɔba yiru.

27 Sɔɔ nɔɔba yiruse te, u koo nùn mɛɛri. U n wa bau ge, ga yabi win gəna sɔɔ, u koo nùn garisiwa disigii. Ta sāawa bara disigiru.

28 Adama bau ge, ga kun yabi, ma ga burura fem fem, dɔɔ mwaara kpaka yera. Saa ye sɔɔ, yāku kowo u koo nùn garisiwa u dɛɛre.

29 Tɔn durɔ n̄ kun mɛ tɔn kurɔ ù n bau gagu mə win wirɔ, n̄ kun mɛ win tonkurorɔ,

30 yāku kowo u koo gu mɛɛriwa. Gà n wəru mə ma gen sansu su n̄ sinum mə, ma su swɛrama nge dəm buuru, yāku kowo u koo yēro garisiwa disigii. Ya sāawa wii kpaka ye ya wāa wirɔ, n̄ kun mɛ tonkurorɔ.

31 Yāku kowo wi, ù n wa ya wəru mə, ma san wɔkusu sari, u koo yēro kenusiwa dirɔ sɔɔ nɔɔba yiru.

32 Sɔɔ nɔɔba yiruse te, u koo maa yēro mɛɛriwa. U n deema wii kpaka ye, ya n̄ yabi ma ya sansu mə si su ka dəm buuru weenɛ, ma su n̄ wəru mə,



45 Wi u bara disigiru mɔ kpuro, u koo yānu dokewa ni nu gēere, u ku furɔ doke, kpa u win wuswaa wukiri kpa u n nɔɔgiru sue u n mɔ, disigii, disigii.

46 U ko n sãawa disigii sere win bara disigii te, tu ka kpe. Yen sōna u ko n wãa yeru mɔ bee tia u n ka tambu desire.

### *Disi gɔmi yānu sɔɔ*

47-49 Bã n disi gɔmi gɛɛ wa yi sōri n̄ kun mɛ yi sãa nge wuru biresu yānu ganu sɔɔ, ni ba kua ka yãa sansu n̄ kun mɛ kĩa si ba kua ka wēɛ damgii n̄ kun mɛ yaa gɔna, bau ge, yāku kowo u koo gu mɛeriwa.

50 Yāku kowo wi, ù n yãa ni mɛera u koo nu yiwa sɔɔ nɔɔba yiru.

51 Yen sɔɔ nɔɔba yiruse te, u koo wure u maa yãa ni mɛeriwa. U n deema disi gɔmi yi, yi yabi baama, ma ba n̄ kpɛ bu yi wĩa, saa ye sɔɔ, u koo nu garisiwa yãa disiginu.

52 Saa ye sɔɔra yāku kowo u koo yãa ni dɔɔ mɛni. Baa bà n nu kua ka wɛsu n̄ kun mɛ ka wēɛ damgii n̄ kun mɛ ka yãa sansun wēɛ n̄ kun mɛ ka mam gɔna, ka mɛ, ba koo ye kpuro dɔɔ mɛniwa. Domi ba n̄ kpɛ bu disi gɔmi yi wĩa. Dɔɔwa u koo ye go.

53 Adama yāku kowo ù n wa gɔmi yi, yi n̄ yabi yãa ni sɔɔ,

54 u koo de bu nu teawa kpa bu maa nu diru kenusi sɔɔ nɔɔba yiru.

55 Sɔɔ nɔɔba yiruse te, u koo wure u maa nu mɛeriwa. U n deema disi gɔmi yi n̄ kɔsa, yi n̄ maa yabi, ba koo yãa ni garisiwa disiginu kpa bu nu dɔɔ doke. Domi disi gɔmi yi, yi nu di biruɔ n̄ kun mɛ wuswaaɔ.

<sup>56</sup> Adama yáku kowo ù n deema disi gɔmi yi, yi burura, u koo ye wəkawa yāa nin min di.

<sup>57</sup> Yen biru yi n maa wurama yāa ni sɔɔ, yi ko n sāawa disi gɔmi. Ba koo yāa ni dɔɔ meniwa.

<sup>58</sup> Bā n yānu ganu tea ni nu disi gɔmi kpiā, ma disi gɔmi yi, yi wīara, ba koo wure bu maa nu teawa bu sere nu garisi nu dɛere.

<sup>59</sup> Yeniwa ya sāa disi gɔmin wooda yi yi ra kpi yānu sɔɔ ye ba kua ka wēsu ñ kun mɛ ka wēɛ damgii ñ kun mɛ ka gɔna. Wooda yera ya koo sɔɔsi yāa ni nu dɛere ka ni nu kun dɛere.

## 14

### *Wi u raa bara disigiru mɔn*

#### *dɛerasiabu*

<sup>1</sup> Yinni Gusunɔ u Mɔwisi sɔɔwa u nɛɛ,

<sup>2</sup> wee nge mɛ ba koo ka tɔnu dɛerasia wi u raa bara disigiru mɔ. Ba koo ka nùn dawa yáku kowon mi,

<sup>3</sup> kpa yáku kowo u ka nùn yari sansanin di u nùn mɛeri. Ù n deema u bekura,

<sup>4</sup> yáku kowo u koo nùn sɔɔwa ye ba koo ka nùn dɛerasia. U koo gunɔminu yiru sua ni ba ra ka yáku ko ka sere dāa ye ba mɔ sɛduru ka wēɛ wunɔmgii ka dāa kiku gagan kāasa ge ba mɔ isɔpu.

<sup>5</sup> Yáku kowo u koo de bu gunɔ gen teu sakawa wekeru sɔɔ te ba kua ka sɔndu te ta nim gem mɔ.

<sup>6</sup> Yen biru u koo gunɔ ge ga wasi mi, ka sɛdurun dāa ye, ka wēɛ wunɔmgii yi, ka isɔpun kāasa ye dokewa yem mɛ sɔɔ, mɛ ba wisi nim sɔɔ mi.

<sup>7</sup> U koo ye yēkawa nɔn nɔɔba yiru wi ba koo dɛerasian wɔllɔ. Yen biru u koo nùn garisiwa u dɛere kpa u gunɔ ge yɔsu gu doona.

<sup>8</sup> Wi u koo tii dɛɛrasia, u koo win yānu teawa kpa u win sansu kəni, kpa u wobure nim sɔɔ. Saa ye sɔɔra ba koo nùn garisi u dɛɛre. Yen biru, u koo kpī u wurama sansaniɔ. Adama u koo kowa sɔɔ nɔɔba yiru tɔɔwɔ u kun due win kuu bekurugirɔ.

<sup>9</sup> Sɔɔ nɔɔba yiruse te, u koo win sansu kəniwa ka win seri ka win toburu ka win nəni burosu. Ye ya sãa sansu kpuro gesi, u koo kəniwa. U koo maa win yānu teawa kpa u wobure u dɛɛra.

<sup>10</sup> Sɔɔ nɔɔba itase, u koo yānu yiru sua ni nu ñ alebu mɔ ka yāa nii teeru wɔɔ tiagiru ka som kilo nɔɔba nne mɛ ba burina ka gum ka sere maa gum litirin bənu.

<sup>11</sup> Yāku kowo wi u koo tənu wi dɛɛrasia u koo nùn tusia Yinni Gusunən wuswaaɔ kuu ten kənnɔwɔ ka maa win yāku dīanu.

<sup>12</sup> Yāku kowo u koo yāa nin teeru suawa kpa u ka tu yākuru ko te ba ra ka toraru sɔmɛ ka sere gum litirin bənu ye, kpa u ye kpuro sɔɔsi beri berika Yinni Gusunən wuswaaɔ.

<sup>13</sup> Kpa u tu saka yam dɛɛram mi, mi ba ra torarun yākuru ka yāku dɔɔ mwaararugirun yaa sake. Domi torarun yāku yaa ka ye ba ra ka toranu sɔmɛgia ya sãawa dīa dɛɛranu ni nu koo ko yāku kowoginu.

<sup>14</sup> Yāku kowo u koo torarun yāku yaa yen yem sua u tɛeni wi u dɛɛrasiamən soo nəm geuguuɔ ka win nəm geun niki bia bakaɔ ka sere win nɔɔ nəm geuguun niki bia bakaɔ.

<sup>15</sup> Yāku kowo u koo maa gum litirin bənu ye wisiwa win nəm dwarun nəm wɔɔrɔ.

<sup>16</sup> Kpa u ka win nəm geun niki bia gum mɛ dɛka u mu yēka nən nɔɔba yiru Yinni Gusunən wuswaaɔ.

17 Yen biru, kpa u gum me mu tie tēni wi u dēerasiamən soo nəm geuguuə ka maa win nəm geun niki bia bakaa ka win nəə nəm geuguun niki bia bakaa. U koo mu tēniwa mi u raa yem me doke.

18 Kpa u maa me mu tie win noma sō doke yēron wiru wəllə kpa u nūn dēerasiabun wororu koosi Yinni Gusunən wuswaaə.

19 Kpa u nūn torarun yākuru kua. Nge meya u koo ka nūn dēerasia. Yen biruwa u koo yāku dōə mwaararugirun yaa go.

20 Kpa u ye dōə doke yāku yerə ka kēnu. Nge meya u koo ka yēro torarun yākuru kua kpa u dēera.

### *Bwēəbwēə wi u raa*

#### *bara disigiru mən dēerasiabu*

21 Wi u bara disigiru mə ma u n̄ dam mə u ka yāku yaa saberu wa, yāa teera u koo kasu u ka yākuru ko te ta sāa torarun səmbugiru. Yāku kowo u koo ka tu suuru kanabun wororu ko Yinni Gusunən wuswaaə. Yen biru durə wi, u koo som kilo ita wē me ba bura ka gum ka sere maa gum litirin bənu.

22 U koo maa ka kparukonu yiru na n̄ kun me totobereṅu yiru nge me win waara nē. Ba koo gen teu go win torarun suurun sō. Kpa bu maa ka teu ge ga tie yāku dōə mwaararugiru ko.

23 Win dēerasiabun sōə itasera u koo ka ye kpuro yāku kowo naawa sāa yerun kənnəwə Yinni Gusunən wuswaaə.

24 Yāku kowo wi, u koo yāa te mwa ka gum litirin bənu ye, kpa u ye kpuro sōəsi beri berika Yinni Gusunən wuswaaə.

25 Yen biru u koo yāa te saka kpa u ten yem sua u tēni wi u raa bara disigiru mən soo nəm geuguuə

ka win nām geun niki bia bakaa ka sere maa win nāo nām geuguun niki bia bakaa.

<sup>26</sup> Yen biru yāku kowo wi, u koo gum mε wie win nām dwarun nām wāra.

<sup>27</sup> Kpa u ka win nām geun niki bia gum mε dεka u yēka nān nāba yiru Yinni Gusunān wuswaa.

<sup>28</sup> U koo maa gum mε tēni wi u raa bara disigiru mān soo nām geuguu ka nām geun niki bia bakaa ka sere win nāo nām geuguun niki bia bakaa. U koo mu dokewa mi u raa gesi yem tēni.

<sup>29</sup> Yen biru gum mε mu tie win nāmaa, u koo mu wisiwa wi u raa bara disigiru mān wirā u sere nūn dēerasiabun wororu kua Yinni Gusunān wuswaa.

<sup>30</sup> Yen biru, u koo gunā gen teu go, gēn bweseru u wa.

<sup>31</sup> Ba koo ka gen teu torarun suurun yākuru ko. Teu maa yāku dāo mwaararugiru ka som mε, ka gum mε. Kpa yāku kowo wi, u wi u raa bara disigiru mā dēerasiabun wororu kua Yinni Gusunān wuswaa.

<sup>32</sup> Wooda yeniwa wi u bara disigiru mā ma u n dam mā u koo swī u ka dēerasiabun yākuru ko.

### *Disi gāmi dirun gani sōo*

<sup>33</sup> Yinni Gusunā u Māwisi ka Aroni sōowa u nεε,

<sup>34</sup> sanam mε i ko i du Kananin temā mε kon bεε wē, nā n dera disi gāmi yi kpia diru garu sōo tē sōo i wāa,

<sup>35</sup> wi u dii te mā, u koo dawa u yāku kowo sō u nεε, wee u gāanu waamā win dirā nge disi gāmi.

<sup>36</sup> Yāku kowo wi, u sere du u ka dii te mēeri, u koo dewa bu ten yānu kpuro yara kpa yāa nin tii nu ku raa disi duura. Yen biru u koo du kpa u disi gāmi yi mēeri.



<sup>37</sup> U n deema gōmi yi sãa nge wuru bekusu, ñ kun me yi sōri, kpa yi n sãa nge wāru gana ye sō,

<sup>38</sup> u koo yariwa kpa u dii te kene sōo nōba yiru.

<sup>39</sup> Sōo nōba yiruse, yāku kowo u koo wura diru mi. U n deema disi gōmi yi yabi dii ten gani sō,

<sup>40</sup> u koo de bu dii ten kpenu wōariwa nìn mi disi gōmi yi, yi kpia bu ka nu yari wuun di bu kã mi n kun dεere.

<sup>41</sup> U koo dewa bu dii ten sōwō kpuro kera kpa bu yanim me ba kera mi yari wuun biruō mi n kun dεere.

<sup>42</sup> Yen biru kpa bu kpee kpaanu kōsire ko. Kpa bu wure bu dii te tāwa.

<sup>43</sup> Amēn biru, disi gōmi yi, yì n maa wurama dii te sō,

<sup>44</sup> yāku kowo u koo maa sewa u da u tu mēeri. U n deema disi gōmi yi, yi maa kpia dii ten gani sō, saa ye sō, n ñ maa koorō bu yi wīa min di. Dii te, ta disi duurawa mi.

<sup>45</sup> Ba koo tu surawa kpa bu ten kpenu ka dāa ka tem gura bu ka da wuun biruō mi n kun dεere.

<sup>46</sup> Wi u dua diru mi sanam me ba tu kenusi, u disi duurawa mi sere ka yokā.

<sup>47</sup> Wi u kpuna mi, ñ kun me u gāanu di mi, u koo win yānu teawa.

<sup>48</sup> Sanam me ba dii te sōnwa ba kpa, yāku kowo ù n wura u ka tu mēeri, ma u deema disi gōmi yi sari, u koo dii te garisiwa ta dεere. Domi disi gōmi yi, yi doona.

<sup>49</sup> Bu ka dii ten dεerasiabun woronu ko, ba koo gunōsu yiru kasuwa ka dāa ye ba mō seduru ka kiku ge ba mō isōpu ka wēe wunōmgii.

<sup>50</sup> U koo gunō gen teu sakawa wekeru sō te ba kua ka sōndu ta nim gem mō.

<sup>51</sup> Yen biru, u koo ge ga wasi sua ka sɛduru ye, ka isɔpu ye, ka wɛɛ wunɔmgii yi, kpa u ye kpuro doke gunɔ ge ba sakan yem mɛ sɔɔ, mɛ ba wisi nim sɔɔ mi, kpa u mu yɛka nɔn nɔɔba yiru dii te sɔɔ.

<sup>52</sup> U koo ka gunɔ gen yem mɛ ba wisi nim sɔɔ mi, disi wɔka ka gunɔ ge ga wasi ka sɛduru ye, ka isɔpu ka wɛɛ wunɔmgii yi.

<sup>53</sup> Kpa u gunɔ ge ga wasi yɔsu gu doona yakasɔ. Saa ye sɔɔra u koo dii te dɛɛrasiabun wororu koosi kpa tu dɛɛra.

<sup>54</sup> Wooda yenibara ba ko n da swīi bara disigiru ka wii kpakin sɔ

<sup>55-56</sup> ka mɔsiru ka debu ka disi gɔmi yi yi ra kpi yānu sɔɔ ka dia sɔɔ.

<sup>57</sup> Wooda yera ya koo sɔɔsi gāa ni nu dɛɛre ka ni nu kun dɛɛre.

## 15

### *Tɔn durɔrun disi*

<sup>1</sup> Yinni Gusunɔ u Mɔwisi ka Aroni sɔɔwa u nɛɛ,

<sup>2</sup> i Isireliba sɔɔwɔ i nɛɛ, ben goo ù n kentu kpika mɔ, u kuawa mi disigii.

<sup>3</sup> Ya ra wī? Ya ku ra wī? Ka mɛ, u kuawa mi disigii.

<sup>4</sup> Kpin yee tɛ sɔɔ u kpuna kpuro, ta disi duurawa mi, ka sere maa gāa ni u sinari kpuro.

<sup>5</sup> Wi u maa kpin yee te baba kpuro u koo win yānu teawa kpa u wobure ka nim. Adama ka mɛ, yɛro u ko n disi mɔwa sere ka yokaa.

<sup>6</sup> Wi u maa sina mi barɔ wi, u sina, u koo win yānu teawa kpa u wobure ka nim. Adama ka mɛ, u ko n sāawa disigii sere ka yokaa.

<sup>7</sup> Wi u barɔ wi baba, u koo win yānu teawa kpa u wobure ka nim. Adama ka mε, u ko n sãawa disigii sere ka yokaɔ.

<sup>8</sup> Barɔ wi, ù n goo yāatam sie, yēro u koo win yānu teawa kpa u wobure. Adama ka mε, u ko n sãawa disigii sere ka yokaɔ.

<sup>9</sup> Gãa ni barɔ wi, u sɔni kpuro, nu kuawa mi disiginu.

<sup>10</sup> Gãa ni u sakusi kpuro, wi u nu baba yēro u kuawa mi disigii sere ka yokaɔ. Wi u maa nu sɔwa yēro u koo win yānu teawa kpa u wobure. Adama ka mε, u ko n disi mɔwa sere ka yokaɔ.

<sup>11</sup> Wi u dera barɔ wi, u nùn baba, ma u ñ nie, u koo win yānu teawa kpa u wobure. Adama ka mε, yēro u ko n disi mɔwa sere ka yokaɔ.

<sup>12</sup> Barɔ wi, ù n dendi yānu baba ni ba kua ka sɔndu ba koo nu kɔsukuwa. Nù n maa sãan na ni ba kua ka dãa, ba koo nu teawa.

<sup>13</sup> Sanam mε kentú ye, ya wĩibu yōra, u koo kowa sɔɔ nɔɔba yiru u sere dεera. U koo win yānu tea kpa u wobure ka nim. Saa ye sɔɔ, u dεerawa mi.

<sup>14</sup> Sɔɔ nɔɔba itase u koo kparukonu yiru ñ kun mε totoberenu yiru sua u ka da Gusunɔn kurun kɔnnɔwɔ kpa u nu yāku kowo wě.

<sup>15</sup> Yāku kowo u koo nin teu gowa torarun sɔ. Kpa u ka teu geni yāku dɔɔ mwaararugiru ko kpa u nùn dεerasiabun wororu koosi Yinni Gusunɔn wuswaaɔ kpa u dεera.

<sup>16</sup> Goon sen nim mù n yari, u koo woburewa. Adama ka mε, u ko n disi mɔwa sere ka yokaɔ.

<sup>17</sup> Mù n yānu ganu tāre, ñ kun mε gɔna ye ba ra wukiri, ba koo ye teawa ka nim. Adama ka mε, ya ko n disi mɔwa sere ka yokaɔ.

18 Kurɔ ka durɔ bà n mɛnna, be kpuro ba koo woburewa ka nim. Adama ka mɛ, ba koo bu garisiwa disigibu sere ka yokaɔ.

*Tɔn kurɔrun disi*

19 Tɔn kurɔ ù n yasa mɔ̀, ba koo nùn garisiwa disigii sɔ̀ nɔ̀ba yiru. Wi u nùn baba kpuro u kuawa mi disigii sere ka yokaɔ.

20 Kpin yee tè sɔ̀ u kpuna kpuro, ta kuawa mi disigiru. Ye u maa sinari kpuro ya kuawa mi disigia.

21 Wi u maa kurɔ win kpin yeru baba, u koo win yānu teawa kpa u wobure. Adama ka mɛ, u ko n sāawa disigii sere ka yokaɔ.

22 Goo ù n baba ye kurɔ wi, u sinari, yēro u koo win yānu teawa kpa u wobure. Adama ka mɛ, u ko n disi mɔ̀wa sere ka yokaɔ.

23 Gāa ni nu wāa win kpin yee ten wɔ̀llɔ̀ n̄ kun mɛ ye u sinarin wɔ̀llɔ̀, wi u yen gaa baba, u kuawa mi disigii sere ka yokaɔ.

24 Tɔn durɔ goo ù n ka nùn mɛnna, ma win yem mu nùn tāre, durɔ wi, u kuawa mi disigii sere sɔ̀ nɔ̀ba yiru. Kpin yee tè sɔ̀ u gesi kpuna ta maa disi duurawa mi.

25 Tɔn kurɔ wi u yem wĩimɔ̀, win yasan saa baasi, n̄ kun mɛ, mu wĩimɔ̀ mu win yasan saa kera, ba koo nùn garisiwa disigii yem wĩi bin saa kpuro sɔ̀ nge win yasan saa.

26 Kpin yee tè sɔ̀ u kpuna kpuro ka ye u sinari kpuro, ya kuawa mi disigia nge sanam mɛ u win yasa mɔ̀.

27 Wi u kpin yee te baba, n̄ kun mɛ sin yee te, u koo win yānu teawa kpa u wobure. Adama ka mɛ, u kuawa mi disigii sere ka yokaɔ.

28 Sanam me yem me, mu yōra u koo kowa sōo nōōba yiru bu sere nūn garisi wi u dēere.

29 Yen sōo nōōba itase sōora u koo kparukonu yiru n̄ kun me totobereenu yiru kasu kpa u ka yāku kowo daawa Gusunən kuu ten kōnnōwō.

30 Kpa yāku kowo u nin teu sua u ka torarun suurun yākuru ko kpa u maa teu geni sua u ka yāku dōo mwaararugiru ko. Yen biruwa u koo kurō wi dēerasiabun wororu koosi Yinni Gusunən wuswaaō kpa u dēera.

31 Yinni Gusunō u kram Mōwisi ka Aroni sōōwa u nēē, i Isireliba sōōwō i nēē, bu de bu ka nen kuu te ta wāa ben suunu sōo tonda sanam me ba disi mō kpa bu ku raa gbi.

32 Wooda yeni ya wāawa kentugibun sō ka wīn sen nim mu yari

33 ka tən kurō wi u yasa mō ka tən durō wi u yem wīimō win tən durōrun di ka tən kurō wi yem wīimō win tən kurōrun di ka maa tən durō wi u ka tən kurō disigii kpuna.

## 16

*Wōō ka wōōn yāku te ba ra ko*

*Isireliba kpuron toranun sō*

1 Aronin bii be ba gu Yinni Gusunən kurō yēn sō ba ka turare tuka da mi, ben gōōn biruwa Yinni Gusunō u Mōwisi sōōwa u nēē,

2 a wunen mōō Aroni sōōwō a nēē, u kun da du kiri kiri kuu ten dii te ta dēere gem gem sōo mi woodan kpakorora wāa ka ten wukiritia kpa u ku raa gbin sō. Domi kpakoro ten wukiritian wōllōwa kon tii sōōsi guru wii wuroru sōo.

3 Dōma te u duo mi, u koo keɛ kinɛ kpendu kasuwa u ka win torarun yākuru ko. Kpa u maa yāa kinɛru kasu u ka yāku dōo mwaararugiru ko.

4 Yen biru u koo win tako doke kpa u sokoto kpiribu doke ka sēkatia. Ye kpuro ya ko n sāawa ye ba kua ka wēε damgii kpa u dawani bōke. U koo woburewa u sere yāa ni kpuro doke.

5 Isireliba ba koo maa boo kinɛnu yiru wē u ka ben toranun yākunu ko kpa bu nūn yāa kinɛru wē u ka yāku dōo mwaararugiru ko.

6 U n koo yākuru tore, u koo gina win tii ka win yenugibun toranun yākuru kowa ka keɛ kinɛ te.

7 Yen biru kpa u boo kinɛnu yiru ye sua u ka da Yinni Gusunān wuswaa kuu ten kōnnōwō.

8 Kpa u nu tubu tubu koosi u ka wa ge ga sāa Yinni Gusunōguu ka ge ba koo yōsu gbaburō.

9 Boo ge ga sāa Yinni Gusunōguu, gera u koo ka torarun yākuru ko.

10 Ge ba koo maa yōsu gbaburō, gera ba koo ka torarun suurun wororu ko. Wasira ba koo ka gu na Yinni Gusunān wuswaa bu sere gu yōsu gu doona gbaburō.

11 Aroni u koo gina gbiwa u win tiin keɛ kinɛ te go win toranun sō ka sere maa win yenugibuginun sō.

12 Kpa u dōo gēε gura saa yāku yerun di yi ba yibie dōo guratii sō kpa u turare buuru sōka nōm kurenu yiru kpa u ka ye kpuro du dii te ta dēere gem gem sō.

13 U koo turare ye doke dōo gēε yi sō Yinni Gusunān wuswaa kpa yen wiisu su woodan kpakoro ten wukiritia wukiri kpa u ku raa ka gbin sō.

14 Yen biru kpa u ketε yen yem sua u dεka ka win niki bia kpa u mu yεka kpakoro ten wukiritia sɔ sɔo yari yeru gia. Kpa u maa ko mε kpakoro ten wuswaaɔ nɔn nɔɔba yiru.

15 Yen biruwa u koo maa boo ge ga sãa Yinni Gusunɔguu mi go Isireliba kpuron toranun sã kpa u gen yem sua u ka da dii te ta dεere gem gem sɔ kpa u mu yεka woodan kpakoro ten wukiritia wɔllo ka maa ten wuswaaɔ nge mε u kua ka ketε yen yem.

16 Kpa u dii te ta dεere gem gem dεerasiabun wororu koosi u ka ten disi wɔka yi ta duura Isireliban toranu ka ben mem nɔɔbu sarirun sɔ. Nge mɛya u koo ko u ka dii dεera ten disi wɔka, domi ta wãa disigibun suunu sɔɔ.

17 Goo kun ko n wãa dii ten sɔɔwɔ sanam mε Aroni u koo du mi, u ka toranun yãkuru ko sere u da u ka yarima. U koo win tii ka win yenugibun toranun yãkuru ko. Yen biru kpa u maa Isireliba kpurogiru ko.

18 U n yariɔ, u koo dawa yãku yerɔ kpa u tu dεerasiabun wororu koosi. Yen biru kpa u ketε ye, ka boo gen yem sua u tɛeni yãku yerun kãanu nne yen baayere sɔɔ.

19 U koo yem mε dekawa ka win niki bia u yεka nɔn nɔɔba yiru yãku yee ten wɔllo. Nge mɛya u koo ka tu dεerasia Isireliban toranun di kpa u tu yi nenem Yinni Gusunɔn sɔ.

20 Sanam mε u dii te ta dεere gem gem dεerasia u kpa, ka dii dεera te, ka yãku yeru, u koo de bu ka boo ge ga wasi mi nawa.

21 Aroni u koo win nɔma kpuro sɔndiwa boo gen wiru wɔllo kpa u Isireliban toranu kpuro tuuba ko ka mem nɔɔbu sari te ba kua kpuro. Kpa u boo ge

tora ni kpuro sɔbi kpa u de goo u gu gira u ka da ghaburo.

<sup>22</sup> Nge mɛya boo ge, ga koo ka Isireliba kpuron toranu sɔbe gu ka doona ghaburo mi goo kun wāa.

<sup>23</sup> Yen biru u koo wura kuu ten mi, kpa u win sāa yāa ni u doke potiri u nu yi mi.

<sup>24</sup> Kpa u wobure yam dɛɛramɔ kpa u win tiin yānu doke. Yen biru kpa u yari u na u yāku dōo mwaararugiru ko win tiin sō ka sere maa Isireliban sō. Yen biru kpa u torarun yākuru ko win tiin sō ka sere Isireliban sō. Kpa u suuru kanabun woronu ko win tii ka Isireliban sō.

<sup>25</sup> Yen biru kpa u yaa yen gum dōo doke yāku yerɔ ye ba ka torarun yākuru kua mi.

<sup>26</sup> Wi u boo ge gira u ka da ghaburo u koo win yānu teawa kpa u wobure u sere du sansaniɔ.

<sup>27</sup> Kεε ye, ka boo gen yem mε ba ka da dii te ta dɛere gem gem sɔɔ toranun sō, ba koo yen yaa ka yen gɔni ka yen bisu yarawa ben sansanin di bu dōo doke.

<sup>28</sup> Wi u ye kpuro dōo mɛni u koo win yānu teawa kpa u wobure u sere wurama sansaniɔ.

<sup>29</sup> Yeni ya ko n sāawa wooda sere ka baadommaɔ. Suru nɔɔba yirusen sōo wɔkuruse, i nɔɔ bɔkuo kpa i bɛɛn sɔma deri sere ka sɔbɔ be ba wāa bɛɛn suunu sɔɔ.

<sup>30</sup> Domi tōo te sɔara ba koo bɛɛ torarun yākuru kua bu ka bɛɛ dɛɛrasia. Nge mɛya i ko i ka dɛera bɛɛn durum kpuron di Yinni Gusunɔn wuswaaɔ.

<sup>31</sup> Tōo te, ta koo kowa tōo wɛrarugiru kpa i n da nɔɔ bɔke. Kpa ya n sāa wooda sere ka baadommaɔ.

<sup>32</sup> Amɛn biru yāku kowo wi ba gum tāre ba gɔsa u ka ko yāku kowo tɔnwero win baaban kɔsire, wiya



u koo sãa yãa ni doke ni ba kua ka wẽe damgii.

<sup>33</sup> Wiya u ko n da yākuru ko u ka dii te ta dɛere gem gem dɛerasia ka sere dii dɛera te, ka yāku yee te, ka yāku kowobu ka sere maa Isireliba kpuro.

<sup>34</sup> Yeni ya ko n sãawa wooda sere ka baadommaa. Wõa tia sãa, ba ko n da yākuru kowa Isireliba kpuron toranun sã nɔn teeru.

Ma Aroni u kua kpuro ye Yinni Gusunɔ u Mɔwisi sãɔwa.

## NGE ME ISIRELIBA BA KO N KA DɛERE

# 17

### *Gusunɔ u yina bu yem di*

<sup>1</sup> Yinni Gusunɔ u Mɔwisi sãɔwa u nɛɛ,

<sup>2</sup> a Aroni ka win bibu ka sere Isireliba kpuro sãɔwa a nɛɛ, wooda wee ye nɛ, Yinni Gusunɔ na wẽemɔ.

<sup>3</sup> Isireliba sãa goo ù n kī u saberu garu saka sansaniɔ ñ kun me mi u wãa kpuro, u koo gina ka tu nawa nen kuu bekurugirun kɔnnɔwɔ u ka tu yākuru ko nɛ, Yinni Gusunɔn wuswaaɔ.

<sup>4</sup> Yẽro u kun kue me, ba koo nùn sabe ten yem bikiawa domi u yem yariwa mi. Saa ye sãa, ba koo yẽro yarawa Isireliban suunu sãan di.

<sup>5</sup> Wooda yeni ya koo dɛwa Isireliba bu ka ben yaa sabenu na yāku kowon mi nen kuu ten kɔnnɔwɔ bu go nɛ, Yinni Gusunɔn wuswaaɔ. Kpa bu ku raa tu go mi ba tura. Kpa ta n sãa siarabun yākuru.

<sup>6</sup> Yāku kowowa u koo ten yem me yẽka yāku yerɔ kuu ten kɔnnɔwɔ. Kpa u ten gum dõa doke mèn nuburu ta koo nɛ, Yinni Gusunɔ dore.

<sup>7</sup> Nge meya Isireliba ba ñ maa ka būnu yākuru kuammε n̄n bwāarokunu nu ka bonu weenε. Yeni ya ko n wāawa ben tiin s̄s̄ ka ben bibun bibun s̄s̄ sere ka baadommaṁ.

<sup>8</sup> N n mεn na, Isireli goo, ñ kun mε s̄s̄ goo wi u wāa ben suunu s̄s̄, ù n yāku d̄s̄ mwaararugiru m̄, ñ kun mε yākunu ganu,

<sup>9</sup> ma u ñ ka nu nε nε, Yinni Gusunṁ kurun k̄nnṁwṁ u ka nin yaa go, ba koo yēro yarawa ben suunu s̄s̄n di.

<sup>10</sup> Wee wooda ye nε, Yinni Gusunṁ na maa w̄εmṁ. Isireli goo, ñ kun mε s̄s̄ goo wi u wāa ben suunu s̄s̄ ù n yem di, baa ñ n mεren na mu s̄a, nε, Yinni Gusunṁwa kon yēro w̄rima n n̄n yara win t̄mbun suunu s̄s̄n di.

<sup>11</sup> Domi yem s̄s̄ra hunde koni kpuron wāara wāa. Na dera i yem dendimṁ yāku yerṁ i ka b̄en toranun suuru wa. Yem meya mu ra de t̄nu u win torarun suuru wa.

<sup>12</sup> Yen s̄na na nεε, Isireliban goo ñ kun mε s̄s̄ goo b̄en suunu s̄s̄ u ñ yem dimṁ.

<sup>13</sup> Bεε Isireliban goo ñ kun mε s̄s̄ goo wi u wāa b̄en suunu s̄s̄, ù n yaa gaa mwa taasoru s̄s̄ ñ kun mε gunṁ gagu ge ba ra di, u koo yaa ye, ñ kun mε gunṁ gen yem yariwa kpa u mu yanim wukiri.

<sup>14</sup> Domi hunde koni ye ya wasi kpuro, yen wāara wāawa yen yem s̄s̄. Yen s̄na na nεε, i ku hunde koni gaan yem di. Domi yem s̄s̄ra wāara wāa. Wi u maa yina u mu di, ba koo yēro wunawa wigibun suunu s̄s̄n di.

<sup>15</sup> Bεε Isireliban goo, ñ kun mε s̄s̄ goo wi u wāa b̄en suunu s̄s̄, ù n yaa goru di ñ kun mε yaa ye gbeeku yaa ya go, yēro u koo win yānu teawa kpa u

wobure. Adama ka mε, u ko n sāawa disigii sere ka t̄o ten yokaō u sere dεεra.

<sup>16</sup> U kun win yāa ni teye, ma u ñ wobura, u koo win torarun are mwa.

## 18

*K̄o menna bi bu ñ bεεε m̄o*

<sup>1</sup> Yinni Gusunō u M̄owisi s̄oowa u nεε,

<sup>2</sup> a Isireliba s̄oowō a nεε, nena na Gusunō bεen Yinni.

<sup>3</sup> I ku ra ko ye ba ra ko Egibitiō mi i raa sina. I ku maa ko ye Kananiba m̄ mi na ka bεε d̄o. I ku ben komanu sw̄i.

<sup>4</sup> Adama i nen woodaba ka nen yiirebu mem n̄oowō kpa i ye sw̄i. Domi nena na s̄a Gusunō bεen Yinni.

<sup>5</sup> N n men na, i nen gere ka nen woodaba mem n̄oowō. Wi u ye mem n̄oowa u ko n wāawa yen s̄. Nε Yinni Gusunōwa na yeni gerum̄o.

<sup>6</sup> Nena na wooda yeniba w̄εem̄o. Na nεε, bεen goo u ku raa ka win dusi t̄n kur̄o k̄o menna.

<sup>7</sup> I ku bεen tundo sekuru doke i ka bεen mero k̄o menna. Domi u s̄awa bεen mero.

<sup>8</sup> I ku ka bεen meron nisi goo k̄o menna, domi ñ n kua mε, i bεen tundo sekuru dokewa mi.

<sup>9</sup> I ku ka bεen sesu tundo turosi ñ kun mε mero turosi k̄o menna baa b̄a kun bεε seeye yenu teu s̄o.

<sup>10</sup> I ku ka bεen nikur̄abu k̄o menna baa ù n s̄an na t̄n dur̄on bii, ñ kun mε t̄n kur̄on bii. Domi wi u kua mε, u tii sekuru dokewa mi.

<sup>11</sup> I ku ka bεen tondon kur̄o goon bii k̄o menna domi u s̄awa bεen sesu.

<sup>12</sup> I ku ka bεen tiō k̄o menna, domi u s̄awa bεen tondon dusi.

13 I ku maa ka beɛn mɛron wɔnɔ ñ kun mɛ win mɔɔ kɔɔ mɛnna. Domi u s̄awa beɛn mɛron dusi.

14 I ku maa beɛn tondon wɔnɔ ñ kun mɛ win mɔɔ sekuru doke i ka win kurɔ kɔɔ mɛnna. Domi kurɔ wi, u s̄awa nge beɛn tiin mɛro.

15 I ku ka beɛn bigii kurɔ kɔɔ mɛnna, domi u s̄awa beɛn biin kurɔ.

16 I ku ka beɛn wɔnɔ ñ kun mɛ beɛn mɔɔn kurɔ kɔɔ mɛnna. I n kua mɛ, i n̄n sekuru dokewa.

17 I ku ka tɔn kurɔ kɔɔ mɛnna kra i maa ka win bii kɔɔ mɛnna, ñ kun mɛ win nikurɔbu, domi ba s̄awa mi dusinu. I n kua mɛ, ya s̄awa mi tora bakaru.

18 I ku beɛn kurɔn wɔnɔ ñ kun mɛ win mɔɔ sua kurɔ sanam mɛ kurɔ win tii u w̄a w̄aru sɔɔ. Domi ya koo nisinu ma.

19 I ku ka tɔn kurɔ mɛnna sanam mɛ u yasa mɔ, domi u s̄awa disigii.

20 I ku ka beɛn winsim kurɔ kɔɔ mɛnna. I n kua mɛ, i tii disi koosiwa mi.

21 I ku ka beɛn bii yākuru ko b̄u wi ba mɔ Mɔlɔkun mi. Domi ñ n kua mɛ, nɛ, Yinni Gusunɔn ȳsira i sanku mi. I n ȳ ma nɛna na s̄a Gusunɔ beɛn Yinni.

22 I ku ka beɛn tɔn durɔsi kɔɔ mɛnna nge mɛ i ra ka tɔn kurɔ ko. Domi ya s̄awa seku bakaru.

23 I ku ka yaa saberu kɔɔ mɛnna nge tɔn kurɔ. Domi ñ n kua mɛ, i tii disi dokewa. Nge mɛya maa tɔn kurɔ goo u ku raa de yaa saberu tu ka n̄n mɛnna. Ya s̄awa seku bakaru.

24 I ku de koma ninin bweseru nu beɛ ko disigibu. Domi niya bwese tuku nini nu ra ko ni kon gira beɛn suunu sɔn di.

25 Ba tem mɛn tii disi doke, ma na mu seɛyasia ma mu mɛn tɔmbu yarinasia.

26 Bεε Isireliba ka bεε sɔbu bεε be i wãa Isireliba sɔɔ, i nɛn gere ka nɛn wooda ye mɛm nɔɔwɔ. Kpa i bwese nin koma sekurugii ni deri.

27 Be ba raa sina tem mε sɔɔ i sere na, ba koma ni kua ma tem mε, mu disi duura.

28 N n mɛn na, bεɛn tii i ku mu disi doke kpa mu ku raa maa bεε yarinasia nge yellugibu.

29 Domi be ba koma nin garu saara Isireliba kpuro sɔɔ, ba koo bu wunawa ben tɔmbun suunu sɔɔn di.

30 Nɛna Gusunɔ bεɛn Yinni. I de i nɛn gere ka nɛn wooda ye mɛm nɔɔwa mam mam. Kpa i ku bwese tuku nin komanu swĩi ni ba ra ko i sere tunuma mini. Kpa i ku ra tii disi doke.

## 19

### *Nge mε n weenε bu Gusunɔ sã*

1 Yinni Gusunɔ u Mɔwisi sɔɔwa u nεε,

2 a Isireliba kpuro sɔɔwɔ a nεε, i de i n dεere, domi nε Gusunɔ bεɛn Yinni na dεere.

3 Yen sɔ, bεɛn baawure u win tundo ka win mero bεere wεeyɔ kpa u n da wεre tɔɔ wεrarugiru sɔɔ. Nɛna Gusunɔ bεɛn Yinni.

4 I ku tii bũnu wε, i ku ra maa bwãaroku gagu seku.

5 I n nε, Yinni Gusunɔ siarabun yãkuru kuamme, i tu koowo nge mε ta koo ka man wεre.

6 I ko ten yaa diwa dɔma te i ka ye yãkuru kua n̄ kun mε sisiru. Adama ye ya tiara sɔɔ itase, i ko ye d̄ɔ meniwa.

7 I n ye di sɔɔ itase, na n̄ yãku te mwaamɔ. Domi yaa ye, ya disi duurawa mi.

8 Wi u ye di u koo win torarun are wa, domi u ñ ye garisi ñegia. Ba koo yēro wunawa bēen suunu sōon di.

9 I n bēen dīanu gēemō, i ku gē ye ya wāa gbee gooro. I ku maa bēen gberun dīanu kunōnu ko.

10 Meya i ku maa resem gberu sō resem kunōnu ko ka maa resem ye ya wāruma. I ko ye deriwa sāarobu ka sōbun sō. Ne Gusunō bēen Yinniwa na yeni gerua.

11 I ku gbēni, i ku maa bēen winsim weesu kua ñ kun mē i nùn nōni wōke.

12 I ku bōri weesugii ko ka ñen yīsiru. Domi ñ n kua mē, i ñen yīsiru sankawa. Ne Gusunō bēen Yinniwa na yeni gerua.

13 I ku bēen winsim dam dōre. I ku maa nùn gāanu mwaari ka dam. I ku bēen sōm kowon kōsiaru ñen sere yam mu ka sāra.

14 I ku soso wōmē. I ku maa gāanu yi wōkon wuswaa ni nu koo nùn sura. I de bēen daa yu sōsi ma i man nasie ne Gusunō bēen Yinni.

15 I ku murafitiru ko siribu sō. I ku goon bwēbwēru ñ kun mē win dam mēeri i ka nùn siri. Adama i ko i bu siriwa nge mē baawuren gem mu ne.

16 I ku gari weesugii kpara bēen tōnusin sō. I ku maa nùn gari mani yi yi koo nùn go.

17 I ku bēen winsim tusi gōru. Adama i nùn gerusio kpa i ku ra tii durum sōbi win sō.

18 I ku bēen winsim mōru kōsie. I ku maa ka goo mōru ñen. I bēen tōnusi kīō nge bēen tii. Ne Yinni Gusunōwa na yeni gerua.

19 I de i ñen wooda yeniba mēm nōwa. I ku de yēe bwese bweseka yu yōna. I ku dīa bwesenu yiru

duure gbee teeru sɔɔ. I ku yānu doke ni ba kua ka wɛɛ bwesenu yiru.

<sup>20</sup> Goo ù n ka yoo tɔn kurɔ kɔɔ menna wi ba durɔ kã, adama ba ñ gina nùn yakie win yorun di, yêro u koo yen gobi kɔsiawa, adama ba ñ bu goomɔ. Domi kurɔ wi, u gina sãa yoo.

<sup>21</sup> Durɔ win torarun sɔ, u koo ka yãa kineru na Yinni Gusunɔn wuswaaɔ win kurun kɔnnɔwɔ u ka torarun sɔmbun yākuru ko.

<sup>22</sup> Kpa yāku kowo u nùn torarun suurun wororu koosi nɛ Yinni Gusunɔn wuswaaɔ. Saa ye sɔra u koo win torarun suuru wa.

<sup>23</sup> Sanam mɛ i dua Kananin temɔ i kpa, ma i dãa bwese bweseka duura, i ko yen marum garisiwa disigim, wɔɔ ita. I ñ mu dimɔ.

<sup>24</sup> Wɔɔ nnɛsen marum mɛ ya koo ma, mu ko n sãawa nɛ Yinni Gusunɔgim, i ka man siara tɔɔ bakarun saa.

<sup>25</sup> Saa wɔɔ nɔɔbusen diya bɛɛn tii i ko i n da dãa marum mɛ sɔri i di. Nɛ Gusunɔ bɛɛn Yinniwa na yeni gerua.

<sup>26</sup> I ku gãanu ganu di ka yem. I ku wɛɛ ñ kun mɛ guru wiru mɛeri i ka bikiaru ko.

<sup>27</sup> I ku bɛɛn wirun goo gookan seri kɔni bwɛɛɛɛke. I ku maa bɛɛn toburun beri berika kɔni.

<sup>28</sup> I ku bɛɛn wasi muriri goon gɔɔn sɔ. I ku maa bɛɛn wasi yore. Nɛ, Yinni Gusunɔwa na yeni gerua.

<sup>29</sup> I ku bɛɛn bii wɔndiaba sekuru doke i bu kurɔ tanaru kpɛɛ sãaru garun sɔ, kpa sakararu ka sekuru sariru tu ku raa yibu tem mɛ sɔɔ.

<sup>30</sup> I n da tɔɔ wɛrarugiru yaaye kpa i nɛn kuu bekurugiru bɛɛɛ wɛ. Nɛ, Yinni Gusunɔwa na yeni gerua.

<sup>31</sup> I ku da be ba ra g̃aribu sokun mi ñ kun mε s̃arobun mi kpa i ku ra ka tii disi doke. Domi nena na s̃aa Gusuño b̃een Yinni.

<sup>32</sup> I wi u seri kpiki m̃o kpuro kpuño kpa i dur̃o t̃ako b̃eerε w̃ε. I maa nε, Yinni Gusuño nasio. Domi nena na s̃aa b̃een Yinni.

<sup>33</sup> S̃oo goo ù n w̃aa b̃een tem s̃oo, i ku ñun dam d̃ore.

<sup>34</sup> I ko i ñun kuawa nge kpa ỹero, kpa i ñun k̃ia nge b̃een tii. Domi b̃een tii i raa s̃oru di Egibitio. Nε Gusuño b̃een Yinniwa na yeni gerua.

<sup>35</sup> I ku murafitiru ko siribu s̃oo, ka g̃aa ỹirubu s̃oo, ka kiloba s̃oo ka sakakunu s̃oo.

<sup>36</sup> I de b̃een kiloba ka b̃een sakakunu ye kpuro ya n s̃aa dee dee. Nε Gusuño b̃een Yinniwa na ye gerua, nε wi na b̃eε yara Egibitin di.

<sup>37</sup> I nen woodaba kpuro mem̃ ñoo w̃o kpa i ye sw̃i. Nε, Yinni Gusuñowa na ye gerua.

## 20

### *S̃aa ni Gusuño u yina*

<sup>1</sup> Yinni Gusuño u M̃owisi s̃oo wa u nεε,

<sup>2</sup> a Isireliba s̃oo w̃o a nεε, ben goo ñ kun mε s̃oo wi u w̃aa be s̃oo ù n win bii sua u ka b̃ũu wi ba m̃o M̃oloku ỹakuru kua, ba koo ñun kasukuwa bu go.

<sup>3</sup> Nε, Yinni Gusuñowa kon ñun w̃ari kpa n ñun wuna nen t̃ambun suunu s̃oon di ỹen s̃o u ka win bii M̃oloku ỹakuru kua ma u nen kuru disi doke u nen ỹisi d̃eeraru sank̃a.

<sup>4</sup> Isireliba b̃a n yina bu dur̃o win bweseru go, ma ba ñun m̃era u daa yen bweseru m̃o,



<sup>5</sup> nɛn tiiwa kon nùn wəri wi ka win yɛnugibu kpuro kpa n nùn yara win tɔmbun suunu sɔɔn di ka sere be ba maa Mɔlɔku ye sāmɔ.

<sup>6</sup> Goo ù n bikiaru da gəri sokobun mi n̄ kun mɛ sɔrobun mi, kon nùn wəriwa kpa n nùn wuna win tɔmbun suunu sɔɔn di.

<sup>7</sup> I de i n dɛere, domi nɛn tii na dɛere. Nɛ Gusunɔ bɛɛn Yinniwa na ye gerua.

### *Kɔɔ mɛnna bi Gusunɔ u yina*

<sup>8</sup> Nɛna Yinni Gusunɔ wi u bɛɛ gɔsa i n ka dɛere. I ko i nɛn woodaba mɛm nɔɔwawa kpa i sī ye sɔɔ.

<sup>9</sup> Goo ù n win tundo n̄ kun mɛ win mɛro b̄rusi, ba koo ȳero gowa kpa win yɛm mu wəri win tii sɔɔ.

<sup>10</sup> Goo ù n ka goon kurɔ kpuna, ba koo kurɔ wi ka durɔ wi gowa.

<sup>11</sup> Goo ù n ka win tundon kurɔ kpuna, u win tundo sekuru dokewa. Ba koo ȳero gowa ka kurɔ wi sannu kpa ben yɛm mu wəri ben tii sɔɔ.

<sup>12</sup> Goo ù n ka win biin kurɔ kpuna, ba koo ȳero gowa ka kurɔ wi sannu. Domi seku bakara ba kua mi. Ben yɛm mu koo wəriwa ben tii sɔɔ.

<sup>13</sup> Tɔn durɔ ù n ka win tɔn durɔsi kpuna nge mɛ ba ra ka tɔn kurɔ mɛnnɛ, ba koo be yiru ye kpuro gowa. Domi ḡaa k̄suna ba kua mi. Ben yɛm mu koo wəriwa ben tii sɔɔ.

<sup>14</sup> Goo ù n bii ka mɛro sua kurɔ, tora bakara mi. Ba koo be kpuro d̄ɔɔ mɛniwa. Kpa yen bweseru ya kun w̄aa bɛɛn suunu sɔɔ.

<sup>15</sup> Goo ù n maa ka yaa saberu mɛnna nge mɛ ba ra ka tɔn kurɔ mɛnnɛ, ba koo ȳero gowa ka yaa sabe ten tii.

16 Tɔn kurɔ̀ ù n maa ka yaa saberu menna nge me ba ra ka tɔn durɔ̀ menna, ba koo nùn gowa ka yaa sabe ten tii. Kpa ben yem mu wɔri ben tii sɔɔ.

17 Goo ù n win sesu tundo turosi ñ kun me mero turosi sua kurɔ̀ u ka kpuna, ba tii sekuru dokewa mi. Ba koo bu wunawa ben tɔmbun suunu sɔɔn di. Durɔ̀ wi, u koo win torarun are sɔbewa. Domi u ka win sesu kpuna.

18 Goo ù n ka tɔn kurɔ̀ menna wi u yasa mɔ̀, ma yen yem me mu yara u mu wa, ba koo be yiru ye yarawa Isireliban suunu sɔɔn di.

19 I ku ka beɛn meron wɔnɔ̀ ñ kun me win mɔ̀ ñ kun me beɛn tiɔ kɔ̀ menna. Domi i sãawa dusinu. Wi u kua me, u koo yen are wa.

20 Goo ù n ka win tondon wɔnɔ̀ ñ kun me tondon mɔ̀n kurɔ̀ kpuna, u bu sekuru dokewa. Kurɔ̀ wi, ka durɔ̀ wi, ba koo ben toranun are wa. Ba ñ bii marumɔ̀ sere bu ka gbi.

21 Goo ù n win wɔnɔ̀ ñ kun me win mɔ̀n kurɔ̀ sua, u torawa mi. U win wɔnɔ̀ ñ kun me win mɔ̀ wi sekuru dokewa mi. Kurɔ̀ wi, ka durɔ̀ wi, ba ñ bibu marumɔ̀.

22 I de i nen woodaba ka nen yiirebu mem nɔ̀wa kpa i ka ye sɔmburu ko, kpa tem mi na ka beɛ dɔ̀ mu ku raa beɛ yarinasia.

23 I ku bwese nin komanu swĩi ni na kon beɛ gira. Domi koma niya ba kua na ka bu yina.

24 Na beɛ sɔ̀wa na neɛ,  
beɛya i ko i n ben tem me mɔ̀.

Nena kon beɛ mu wẽ.  
Tem me, mu tim ka bom yiba.

Nena Gusunɔ̀ beɛn Yinni ne wi na beɛ wuna saa bwese ni nu tien di.

25 Yen sɔ̀na i ko i wunana yaa ye i ko i di ka ye i kun dimɔ̀ ka sere maa gunɔ̀ si i ko i di ka si i ñ dimɔ̀ kpa i

ku ra bεen tambu disi doke yεε yi, ka guno sin sō ye na gesi nεε, i ku di mi.

<sup>26</sup> I de i n dεere i n wāa nen sō, domi na dεere. Ne, Yinni Gusunowa na bεε wuna nenem bwese ni nu tien suunu sōn di i n ka sāa negibu.

<sup>27</sup> Goo ù n wāa bεen suunu sō, tɔn kurɔ ñ kun mε tɔn durɔ ma u ra gɔribu soku ñ kun mε u ra sɔroru ko, ba koo yēro kpenu kasukuwa kpa win yem mu wɔri win tii sō.

## 21

### *Yāku kowobun woodaba*

#### *1. Wooda ye ya ka*

#### *yāku kowon tii yā*

<sup>1</sup> Yinni Gusunɔ u Mɔwisi sōowa u nεε, a Aroni ka win bibu sōowɔ a nεε, yāku kowo u ku raa tii disi doke u wigii goon goru baba

<sup>2</sup> ma n kun mɔ win mero ka win tondon goru ka win tiin biigiru ka win wɔnɔ ka win mɔogiru

<sup>3</sup> ka sere win sesu wi u kun durɔ yēguru wi ba ñ gina sue.

<sup>4</sup> Isireliban suunu sō, yāku kowo wi, u sāawa ben guro guro. Yen sō, u ñ koo tii disi doke ka ben goon goru.

<sup>5</sup> Goo ù n gu, yāku kowobu bu ku raa ben wii suunun seri kɔni, bu ku raa maa ben toburun beri berika kɔni.

<sup>6</sup> Meya bu ku raa maa tii muriri wasi sō. Ba ko n wāawa ne Gusunɔ ben Yinnin sō. Ba ñ nen yīsiru sankumɔ. Domi beya ba ko n da man yākuwu kue ni nu sāa nen dīanu. Yen sō, ba ko n dεerewa.

<sup>7</sup> Ba ñ koo kurɔ tanɔ ñ kun mε wi ba gaba ba ka kpuna sua kurɔ. Ba ñ maa kurɔ wi u win durɔ yina

suamə. Domi ba ko n dɛɛrewa ba n wāa nɛ, Yinni Gusunən sɔ̄.

<sup>8</sup> Isireli baawurewa u koo yāku kowo garisi tən dɛɛro. Domi wiya u ra ka bɛɛn yākununu nɛ, nɛ, Yinni Gusunən mi. Yen sɔ̄, ba ko n dɛɛrewa, domi nɛ, Yinni Gusunə na dɛɛre. Nɛna na bɛɛ gɔsa i n ka maa dɛɛre.

<sup>9</sup> Yāku kowo goon bii wəndia ù n tii sekuru dokemə u kurə tanaru dimə, win tundowa u sekuru dokemə. Ba koo bii wəndia wi dɔ̄ mɛniwa.

<sup>10</sup> Yāku kowo wi ba gum tāre wirə u kua yāku kowo tənwero, ma ba nùn sāa yānu dokea, u ku maa win seri sanku goon gəən sɔ̄. Mɛya u ku maa win yānu gɛɛku.

<sup>11</sup> U ku raa goru garu susi u tii disa doke, baa n n win tundo n kun mɛ win mɛron gorun na.

<sup>12</sup> U n maa yariə nɛn kurun di goon gorun sɔ̄, u ku ka kuu te disa doken sɔ̄. Domi ba nùn gum tāre u n ka sāa nɛnɛm. Nɛ, Yinni Gusunəwa na ye gerua.

<sup>13</sup> Wəndia wi u kun durə yɛwa yāku kowo tənwero u koo sua kurə.

<sup>14</sup> U n koo gəmini goo sua kurə n kun mɛ kurə wi ba yina n kun mɛ kurə wi ba gaba ba ka kpuna n kun mɛ kurə tanə. Adama wəndia wi u kun durə yɛwa u koo sua win dusibu sɔ̄.

<sup>15</sup> Kpa u ku raa bwese tukuru doke win bweseru sɔ̄. Nɛ Yinni Gusunəwa na nùn gɔsa u n ka dɛɛre.

## *2. Wi u kun kpɛ*

### *u ko yāku kowo*

<sup>16</sup> Yinni Gusunə u maa Məwisi sɔ̄wa u nɛɛ,

<sup>17</sup> a Aroni ka win bibu sɔ̄wə a nɛɛ, baa ka win bibun bweserə goo ù n alebu gaa mə win wasi sɔ̄,

yēro kun kpē u da nen kuu te sɔɔ u nɛ, Yinni Gusunɔ dīanu ganu yākuru kua.

<sup>18</sup> Alebugii goo kun kpē u nen sɔmbu te ko, aa wɔkowa? Aa kōri barɔwa? N kun mɛ yēron wuswaa ya kɔsikirewa?

<sup>19</sup> N kun mɛ yēron naasu n̄ kun mɛ win gāsera bɔɔrewa?

<sup>20</sup> N kun mɛ yēro u kundu kpiawa? N kun mɛ u sāawa tɔn kɔmiakubu? N kun mɛ yēron nɔni kpiawa? N kun mɛ yēro taataaru n̄ kun mɛ debu mɔwa? N kun mɛ win tīa bii kɔsikira?

<sup>21</sup> Wi u alebu gaa mɔ wasi sɔɔ gesi Aronin bweseru sɔɔ, u n̄ kpē u nɛ, Yinni Gusunɔ yākuru kua. U n̄ maa kpē u ka dīanu ganu na u ka yākuru ko nen kuu te sɔɔ.

<sup>22</sup> Adama u koo kpī u nɛ, Yinni Gusunɔn dīa dɛɛranu di.

<sup>23</sup> Win alebun sɔna u n̄ kpē u susi yāku yerɔ ka kuu ten beku kare ten mi. Kpa u ku raa nen kuu te disi doke. Nɛ, Yinni Gusunɔwa na ra yāku kowobu gɔsi ba n̄ ka dɛɛre.

<sup>24</sup> Ma Mɔwisi u Aroni ka win bibu ka Isireliba kpuro gari yi sɔɔwa.

## 22

### *3. Be ba koo yāku dīanu di*

<sup>1</sup> Yinni Gusunɔ u Mɔwisi sɔɔwa u nɛɛ,

<sup>2</sup> a Aroni ka win bibu sɔɔwɔ a nɛɛ, ba n̄ tii sɛ dīa ni Isireliba ba ka man naawammɛ sɔɔ, kpa bu ku raa nen yīsi dɛɛra te sanku. Nɛna na sāa Yinni Gusunɔ.

<sup>3</sup> Ben bweseru sɔɔ, goo ù n̄ nu susi, ma u disi gɛɛ mɔ, ba koo yēro yarawa nen sɔmburun di.

<sup>4</sup> Aronin bweseru sɔɔ, goo ù n bara disigiru mɔ, ñ kun mɛ ù n kentu kpika mɔ, u ñ yāku dīa ni dimɔ sere ù n dɛɛra,

<sup>5</sup> ka sere wi u goru baba ñ kun mɛ win sen nim mu wīa ñ kun mɛ wi u yaa gaa baba ye ya disi mɔ ñ kun mɛ wi u goo baba wi u disi mɔ.

<sup>6</sup> Wi u yen gaa baba gesi, u disi duurawa mi sere ka yokaa. U ñ kpɛ u yāku dīa ni di ma n kun mɔ u wobura mam mam.

<sup>7</sup> U n wobura, yokan di u dɛɛra, u koo kpī u nɛn dīa ni di. Domi niya nu sāa win dīanu.

<sup>8</sup> Mɛya yāku kowo goo kun yaa goru temmɔ ñ kun mɛ yaa ye gbeeku yaa gaa ya go u ku raa ka tii disi doken sɔ. Nɛ, Yinni Gusunɔwa na yeni gerua.

<sup>9</sup> Ba koo nɛn woodaba mɛm nɔɔwawa domi bà n nɛn dīanu disi doke, ba koo ben torarun are sɔbe kpa bu gbi. Nɛ, Yinni Gusunɔwa na bu gɔsa ba n ka dɛɛre.

<sup>10</sup> Tɔn diro kun yāku dīa ni dimɔ baa yāku kowon sɔm kowo ñ kun mɛ win sɔɔ. Yɛro kun yāku dīa ni dimɔ.

<sup>11</sup> Adama yoo wi yāku kowo u dwa ka wi ba mara win yɛnuɔ, ba koo kpī bu dīa ni di.

<sup>12</sup> Yāku kowon bii tɔn kurɔ ù n tɔn diro sua durɔ, ù ku raa yāku dīa ni di.

<sup>13</sup> Adama bii wi, ù n sāa gɔmini ñ kun mɛ win durɔ u nùn yina, ma u ñ ka durɔ wi mara, ma u gɔsira win tundon yɛnuɔ u sɔ nge sanam mɛ u ñ durɔ sue, u koo kpī u dīa ni di. Ma n kun mɛ, tɔn diro u ku dīa ni di.

<sup>14</sup> Tɔn tuko goo ù n nu di u ñ ka baaru, u koo nin kɔsire yāku kowo wɛwa. Yen biru kpa u nùn nin bɔnu nɔɔbun tia sosia.

15 Yáku kowobu bu ku raa dīa ni disi doke nì Isireliba ba ka yākuru kua Yinni Gusunɔn wuswaaɔ.

16 Bà n nu di sanam me n n weene bu nu di, ba Isireliba toranu sɔbimɔwa. Nena Yinni Gusunɔ, ne wi na ra yākunu deerasie.

### *Sabe te ba koo ka yākuru ko*

17 Yinni Gusunɔ u Mɔwisi sɔɔwa u nee,

18 a Aroni ka win bibu ka Isireliba kpuro sɔɔwɔ a nee, goo be sɔɔ n kun me sɔɔ goo wi u wāa ben suunu sɔɔ, ù n kī u yāku dɔɔ mwaararugiru ko ka kīru, n kun me u ka nɔɔ mwɛɛru garu yibia,

19 ne, Yinni Gusunɔ n sere tu mwa, yaa sabe dɔɔ ge ga n alebu mɔ gera u koo ka na, naa, n kun me yāaru, n kun me boo, ya n gesi sāa dwa.

20 U n koo ka yaa saberu na te ta alebu gaa mɔ. Domi ù n ka tu yākuru kua, na n mwaamɔ.

21 Goo ù n siarabun yākuru mɔ ka kīru n kun me u ka nɔɔ mwɛɛru garu yibia, u koo tu kowa ka sabe te ta n alebu gaa mɔ n sere win yāku te mwa.

22 N n men na, bu ku ka sabe wɔko na, n kun me te ta kōri bɔɔre, n kun me te ba so ba kɔsiki, n kun me te ta boo boosu n kun me taataru mɔ gɔnaɔ. Bu ku ka yen gaa yāku dɔɔ mwaararugiru ko.

23 Ba koo kpī bu ka yaa sabe tɛn wasin bee tia kpāaru bo kērun yākuru ko. Adama bu ku ka tu nɔɔ mwɛɛrugiru ko.

24 Bu ku raa ka yaa sabe tɛn tīara kɔra n kun me ba wīa ne, Yinni Gusunɔ yākuru kua. Bu ku maa yen bweseru yaa saberu garu kua bà n dua ben temɔ.

25 Bu ku ka ne, Yinni Gusunɔ sabe ten bweseru yākuru kua te ba wa sɔbun mi. Domi sabe tɛn wasi

ba mεera kua, ta sáawa nge sabe te ta alebu mɔ. Ne, Yinni Gusunɔ, na ñ yáku ten bweseru mwaamɔ.

<sup>26</sup> Yinni Gusunɔ u Mɔwisi sɔɔwa u neε,

<sup>27</sup> bà n keε buu mara ñ kun me yáaru ñ kun me boo, ga koo kowa sɔɔ nɔɔba yiru ka gen mero. Adama saa sɔɔ nɔɔba itasen di, ba koo kpĩ bu ka gu yáku dɔɔ mwaararugiru ko.

<sup>28</sup> Bu ku raa yaa saberu garu go ka ten buu sɔɔ teeru.

<sup>29</sup> Bà n ne, Yinni Gusunɔ siarabun yákuru kuammε, bu tu koowo nge me kon ka tu mwa.

<sup>30</sup> Yen dɔma tera ba koo ten yaa di. Ba ñ yen gaa tiamɔ sere sisiru.

<sup>31</sup> Ba koo nen wooda ye mem nɔɔwawa kpa bu ye swĩ.

<sup>32</sup> Bu ku raa nen yĩsiru sanku kpa bu wa bu man beεε wē ben suunu sɔɔ. Nena na Yinni Gusunɔ wi u beε gɔsa i n ka dεere.

<sup>33</sup> Nena na beε yara saa Egibitin di na n ka sáa Gusunɔ been Yinni.

## 23

### *Tɔɔ baka bwese bweseka*

<sup>1-2</sup> Yinni Gusunɔ u Isireliba sɔɔwa saa Mɔwisin nɔɔn di u neε, tɔɔ baka ñi sɔɔ i ko i n da menne i man sã, ni wee.

### *Tɔɔ wērarugiru*

<sup>3</sup> Alusuma tia sɔɔ, sɔɔ nɔɔba tia i ko i n da sɔmburu ko, sɔɔ nɔɔba yiruse, i ko i wēra kpa i menna i ka man sã. Yen tɔɔ te, i ku ra sɔmburu garu ko. I ko i tu diwa nen sɔɔ baa mi i wã kpuro gesi.

<sup>4</sup> Tɔɔ baka ni nu maa tie, ñi sɔɔ i ko i menna i ka man sã, nin tɔnu wee.



*Gɔɔ sararibun tɔɔ bakaru*

<sup>5</sup> Yinni Gusunɔ u nɛɛ, wɔɔn suru gbiikoon sɔɔ wɔkura nɛsen yokan di, i Gɔɔ sararibun tɔɔ bakaru dio nɛ, Yinni Gusunɔn sɔ.

<sup>6</sup> Yen sɔɔ wɔkura nɔɔbuse sɔɔra i ko i pɛɛ ye ba kun seeyatia doken tɔɔ bakaru tore. I ko i kowa sɔɔ nɔɔba yiru i n pɛɛ dimɔ ye ba kun seeyatia doke.

<sup>7</sup> Alusuma yen tɔɔ gbiikiru sɔɔra i ko i mɛnna i man sã. Yen tɔɔ te, i ku ra sɔmburu garu ko.

<sup>8</sup> Alusuma yen tɔɔ baatere i ko i n da man yãku dɔɔ mwaararugiru kuewa. Sɔɔ nɔɔba yiruse, i ko i kpam mɛnna i man sã. Yen tɔɔ te, i ku sɔmburu garu ko.

*Gberun dĩa gbiikinun**tɔɔ bakaru*

<sup>9-10</sup> Yinni Gusunɔ u maa Isireliba sɔɔwa saa Mɔwisin nɔɔn di u nɛɛ, ì n dua tem mɛ kon bɛɛ wɛ sɔɔ, ma i dīanu gã, i ko i ka dĩa gbiikii ni i gã mi yãku kowo daawawa.

<sup>11</sup> Kpa yãku kowon tii u man nu tusia tɔɔ wɛrarugirun sisiru kpa n wa n ka bɛɛ nɔnu geu mɛɛri.

<sup>12</sup> Yen tɔɔ te, i ko i man yãku dɔɔ mwaararugiru kua ka yãaru wɔɔ tiagiru te ta ñ alebu gaa mɔ.

<sup>13</sup> I ko i maa som kilo nɔɔba tia mɛ i ka gum burina sɔndi kpa ye kpuron nuburu tu nɛ, Yinni Gusunɔ dore. Yen biru kpa i tam litiri tia ka bɔnu tare som mɛn wɔllɔ.

<sup>14</sup> I ñ ko i dĩa gbiikii nin pɛɛ di ñ kun mɛ nin bima ye ba sɔnwa ñ kun mɛ ye ba kɔsuka sere dɔma te i ka nɛ, Yinni Gusunɔgia na. I ko wooda yeni mɛm nɔɔwawa mi i wã kpuro sere ka baadommaɔ.

*Gɛɛbun tɔɔ bakaru*

15 Yinni Gusunɔ u maa Isireliba sɔɔwa saa Mɔwisin nɔɔn di u nɛɛ, i ko i maa alusuma gariwa nɔɔba yiru saa tɔɔ wɛrarugirun sisirun di dɔma tɛn di i ka bɛɛn dɔa gbiikii ni, nɛ, Yinni Gusunɔ naawa.

16 I ko i gariwa sɔɔ weeraakuru sere n ka ko tɔɔ wɛrarugiru nɔɔba yirusen sisiru. Kpa i maa nɛ, Yinni Gusunɔ yākuru kua.

17 I ko i ka pɛɛ yiru na saa bɛɛn yenun di yɛn baayere ba kua ka som kilo ita ka pɛɛ seeyatia. Bɛɛn gberun dɔa gbiikii niya i ko i ka yen som mɛ ko, kpa yāku kowo u ye sɔɔsi beri berika.

18 Yen biru, i ko i nɛ, Yinni Gusunɔ yāku dɔɔ mwaararugiru kua ka yāanu nɔɔba yiru ni nu wɔɔ tia tia mɔ kpa nu kun alebu gaa mɔ ka maa ketɛ kinɛ kpɛm teeru ka yāa kinɛnu yiru ka sere tam. Kpa ye kpuron nuburu tu nɛ, Yinni Gusunɔ dore.

19 I ko i maa boo go bɛɛn toranun yākurun sɔ ka maa yāanu yiru ni nu wɔɔ tia tia mɔ siarabun yākurun sɔ

20 ka pɛɛ ye sannu. Yāku kowo u koo ka ye kpuro Yinni Gusunɔ daawawa u nu tusiarun wororu koosi. Kpa ye kpuro ya n sāa nɛ, Yinni Gusunɔgia. Ye kpuron biru, yaa ye kpuro ya koo kowa yāku kowogia.

21 Yen tɔɔ te, i ko mɛnnawa bɛɛ kpuro i man sã. I n maa sɔmburu mɔ dɔma te. Mi i wāa kpuro, i ko i wooda yeni mɛm nɔɔwawa sere ka baadommaɔ.

22 I n bɛɛn gberun dɔanu gɛɛmɔ, i ku ni nu wāa bɛɛn gbee goorɔ gɛ. Yen biru i ku maa nu kunɔnu ko. I ko i nu sārɔbu ka sɔbu deriawa. Nɛ Gusunɔ bɛɛn Yinniwa na ye gerua.

*Tɔɔ baka tɛ sɔɔ*

*ba ra kabi wure*

23-24 Yinni Gusunɔ u Isireliba sɔɔwa saa Mɔwisin nɔɔn di u nɛɛ, wɔɔn suru nɔɔba yirusen tɔɔ gbiikiru sɔɔ, i ko i wɛrawa kpa i kabi so Gusunɔ u ka bɛɛ yaaya. Tɔɔ te, i ko i mɛnnawa kpa i man sã.

25 I ku ra sɔmburu garu ko. Kpa i man yãku dɔɔ mwaararuginu kua.

*Torarun suurun tɔɔ bakaru*

26 Yinni Gusunɔ u Mɔwisi sɔɔwa u nɛɛ,

27 wɔɔn suru nɔɔba yirusen sɔɔ wɔkurusewa i ko i yãkuru ko bɛɛn toranun suurun sɔ. I ko i mɛnnawa kpa i nɔɔ bɔke kpa i man sã. Kpa i man yãku dɔɔ mwaararuginu kua.

28 I ku ra sɔmburu garu ko tɔɔ te sɔɔ. Domi tɔɔ te sɔɔra ba koo bɛɛ toranun suuru kobun woronu koosi Gusunɔ bɛɛn Yinnin wuswaaɔ.

29 Wi u kun nɔɔ bɔkue yen tɔɔ te, ba koo nùn wunawa win tɔmbun suunu sɔɔn di.

30 Wi u maa sɔmburu kua tɔɔ te sɔɔ, kon de bu yẽro gowa.

31 I ku ra sɔmburu garu ko tɔɔ te. Ya ko n sãawa wooda ka baadommaɔ ka bɛɛn bibun bweserɔ. Mi i wãa kpuro, i ko ye mɛm nɔɔwawa.

32 Ya ko n sãawa nge tɔɔ wɛrarugiru kpa i nɔɔ bɔke. I ko i wɛrawa saa surun sɔɔ nɔɔba nɛn yokan di sere ka yen sisirun yokaaɔ.

*Kunun tɔɔ bakaru*

33-34 Yinni Gusunɔ u Isireliba sɔɔwa saa Mɔwisin nɔɔn di u nɛɛ, saa wɔɔn suru nɔɔba yirusen sɔɔ wɔkura nɔɔbun di, i ko i Kunun tɔɔ bakaru diwa sɔɔ nɔɔba yiru i ka nɛ, Yinni Gusunɔ sã.

35 Yen tɔɔ gbiikiru, i ko i mɛnna i man sã. I ku ra sɔmburu garu ko tɔɔ te.

36 Tōo baatere i ko i n da man yāku dōo mwaararugiru kuewa sere n ka ko sōo nōba yiru ye. Yen sōo nōba itase, i ko i kpam mennawa i man sā kpa i man yāku dōo mwaararuginu kua. Tōo te, i ku ra sōmburu garu ko. Ta sāawa gāa girinu.

37 Yeniba kpuro ya sāawa tōo baka ni i ko i di ne Yinni Gusunōn sō. Kpa i man yāku dōo mwaararuginu kua ka bēen gberun dīanu ka siarabun yākunu ka tam. Yākuru baatere ka ten tōru.

38 Meya i ku maa tōo wērarugiru duari ka yāku ni i ra man kue ka sere maa kēe ni i ra ka ne ka maa nōo mwēerun yākuru.

39 Suru nōba yirusen sōo wōkura nōobuse sōo, i n bēen gberun dīanu gā, i ko i tōo bakaru diwa sōo nōba yiru i ka man bēere wē. Yen tōo gbiikiru ka yen tōru nōba itase, i ko i wērawa i ku sōmburu garu ko.

40 Yen tōo gbiikii te, i ko i dāa marum buram sua ka kpakpa wurusu ka dāa wuru bakasu si su ra n wāa daarō kpa i n nuku dobu mō nen wuswaaō sōo nōba yiru ye.

41 Wōo baagere i ko i n da tōo baka te diwa i ka man bēere wē suru nōba yiruse ye sōo. Ya ko n sāawa wooda sere ka baadommaō.

42 Bēe Isireliba kpuowa i ko i n wāa kunu sōo sere sōo nōba yiru.

43 Kpa bēen bibun bweseru tu ka gia ma na ben sikadoba sinasia kunu sōo sanam mē na bu yarama Egibitin di. Ne Gusunō bēen Yinniwa na ye gerua.

44 Nge meya Mōwisi u Isireliba tōo baka ni sōowa ni ba ko n da di bu ka Yinni Gusunō bēere wē.

## 24

### *Gusunɔn kuu bekurugirun*

#### *dabu*

<sup>1</sup> Yinni Gusunɔ u Mɔwisi sɔɔwa u nɛɛ,

<sup>2</sup> a Isireliba sɔɔwɔ a nɛɛ, bu nùn olifin gum kasuo mɛ mu gea bo kpa fitilanu nu n ka sɔre yoka baayere.

<sup>3</sup> Aroni u koo ka gum mɛ dawa nɛ, Yinni Gusunɔn kuu bekurugii ten mi, beku kare ten wuswaaɔ te ta woodan kpakoro te ganua. Kpa u de fitila ni, nu n sɔre yokan di sere yam mu ka sara. Yeni ya ko n sãawa wooda sere ka ben bibun bweserɔ.

<sup>4</sup> Aroni u koo fitila ni sɔndiwa dabu wuraguun wɔllɔ kpa nu n sɔre wɔkuru baatere sere yam mu ka sara.

#### *Pɛɛ ye ba ra Yinni Gusunɔ wɛ*

<sup>5</sup> Yinni Gusunɔ u Mɔwisi sɔɔwa u nɛɛ, a pɛɛ wɔkura yiru wɔɔwɔ yen baayere ya n sãa kilo nɔɔba tia.

<sup>6</sup> Kaa ye yorewa nen wuswaaɔ tabulu wuragia yen wɔllɔ sãa yiru, yen baayere sɔɔ pɛɛ nɔɔba tia.

<sup>7</sup> Sãa baayeren wɔllɔ kaa turare gea sɔndi kpa bu ye dɔɔ mɛni nen sɔ pɛɛ yen ayerɔ kpa n bɛɛ yaaya.

<sup>8</sup> Tɔɔ wɛrarugiru baatere, ba ko n da man pɛɛ yen bweseru yiyewa kpa ya n yii mi baadomma. Ya ko n sãawa wooda bɛɛn bibun bweseru sɔɔ sere ka baadommaɔ.

<sup>9</sup> Pɛɛ ye ba kɔsire kua mi, ya ko n sãawa Aroni ka win bibugia. Ba koo ye diwa yam dɛɛramɔ. Pɛɛ ye, ya sãawa nenem domi nɛna ba ye wɛ sanam mɛ ba yãku dɔɔ mwaararugiru mɔ. Aronin bwesera ta ko n da ye di sere ka baadommaɔ.

*Wi u Gusunə gari kam**gerusin sɛɛyasiabu*

<sup>10-11</sup> Sɔɔ teeru Isireliban goo ka Egibitigii goon bii wi u ka Isireli tən kurə mara ba sanna. Kurə Isireli win yĩsira Selomiti, Debirin bii, Danun bweseru sɔɔ. Selomitin bii wi, u Gusunən yĩsiru gari kam gerusimə u bɔrusimə. Yera yande ba ka nùn da Məwisin mi.

<sup>12</sup> Ma ba nùn yii ba ka mara bu wa ye Yinni Gusunə u koo gere.

<sup>13</sup> Yera Yinni Gusunə u Məwisi sɔɔwa u nɛɛ,

<sup>14</sup> i ka durə wi yario sansanin di. Be ba maa nua u nɛ Yinni Gusunə gari kam gerusi mi, kpa bu ben nəma səndi win wirə bu ka seeda di kpa Isireliba kpuro bu nùn kpenu kasuku bu go.

<sup>15</sup> Yen biru wooda yeniwa kaa Isireliba wɛ a nɛɛ, wi u nɛ, Yinni Gusunə gari kam gerusi, yɛro u koo yen are wa.

<sup>16</sup> Wi u gesi nɛ, Yinni Gusunə gari kam gerusi, ba koo yɛro gowa. Isireliba kpurowa ba koo nùn kpenu kasuku bu go. Baa ù n sãan na sɔɔ, ba koo nùn gowa yèn sã u nɛ, Yinni Gusunə gari kam gerusi.

<sup>17</sup> Goo ù n win winsim go, ba koo maa yɛro gowa.

<sup>18</sup> Goo ù n win winsim yaa saberu go, u koo ten kəsire wɛwa wasiru. Hundewa ya hunden kəsire.

<sup>19</sup> Goo ù n maa win winsim mɛera kua, mɛera yen bwesera ba koo yɛro ko.

<sup>20</sup> Wi u goo bua, ba koo maa yɛro buawa. Wi u goon nənɪ wĩa, ba koo maa yɛron nənɪ wĩawa. Wi u goon dondu bua, ba koo maa yɛrogiru buawa. Kɔsa ye tənɪ u win tənɪ kua kpuro, yera ba koo maa nùn kəsie.

21 Wi u yaa saberu go, u koo ten kəsire wēwa. Wi u maa tōnu go, ba koo maa yēro gowa.

22 Wooda tia yera ba koo ka bεε ka bεεn sɔbu siri. Nε Gusunɔ bεεn Yinniwa na ye gerua.

23 Ma Mɔwisi u Isireliba kpuro ye sɔɔwa. Ma ba durɔ wi u Yinni Gusunɔ gari kam gerusi mi yara sansanin di ba nùn kpenu kasuka ba go. Nge meya ba ka kua ye Yinni Gusunɔ u Mɔwisi sɔɔwa.

## 25

### *Tem wēyasiabu*

1-2 Yinni Gusunɔ u ka Mɔwisi gari kua guu te ba mɔ Sinain wɔllɔ u nεε, bεε Isireliba ì n dua tem mε sɔɔ, mε kon bεε wē mi, i ko i dewa bεεn gbean tem mu wēra nen sɔ.

3 Wɔɔ nɔɔba tia sɔɔra i ko i bεεn gbea duure kpa i bεεn resem gbaanu sɔme i nin dānu kɔni. Kpa i yen marum sɔri.

4 Adama wɔɔ nɔɔba yiruse, ya ko n sāawa wɔɔ wēraruguu Yinni Gusunɔn sɔ. Bεεn gbenu nu koo wērawa mam mam. I ku ra nu dīanu duure, i ñ ko i maa bεεn resem kɔni.

5 Baa dīa ni nu wɔruma sanam mε i gεemɔ ma nu kpia ka tii, i ñ nu gεemɔ. I ñ maa resem sɔrimɔ ye ya ka tii mara. Domi bεεn gbea ya koo wērawa mam mam wɔɔ ge sɔɔ.

6 Adama wɔɔ wēraruguu ge sɔɔ, ye ya kpia ka tii, yera i ko i di bεε ka bεεn sɔm kowobu ka bεεn yobu ka sere maa sɔɔ be ba wāa bεεn suunu sɔɔ

7 ka bεεn yaa sabenu ka gbeeku yeε. Ye tem mε, mu koo kpi yera i ko i di.

### *Yakiabun wɔɔ*

<sup>8</sup> I ko i wǎo nǎba yirun suba nǎba yiru deriwa yu doona. Ye kpuro ya sǎawa mi, wǎo weeraakuru tia sari.

<sup>9</sup> Yen wǎo dǎakun suru nǎba yirusen sǎo wǎkuru, tǎo te ba torarun yǎkuru kua mi, i ko i kǎbi wurawa ka kuuki tem mε kpuro sǎo.

<sup>10</sup> Wǎo weeraakurusen wǎo ge, ga ko n sǎawa nenem nε, Yinni Gusunǎn sǎ. Kpa i kpara ma baawure u tii mǎ. Wǎo ge sǎo, ba koo gbee te goo u raa dǎra ñ kun mε te ba nùn mwaari wesiawa tu ko wigiru. Wi u raa maa yoru dimǎ, u koo yaklara u wura win yenuǎ.

<sup>11</sup> Nge mεya i ko n da wǎo weeraakuru baateren yaklabun tǎo bakaru di. I ko i wǎrawa wǎo ge sǎo. I ñ dǎanu ganu duurumǎ. I ñ maa dǎanu ganu gǎemǎ ni nu ka tii kpia. Mεya i ñ maa resem sǎrimǎ ye ya mara resem gbǎarǎ te ba ñ sǎnwa.

<sup>12</sup> Domi nuku dobun wǎowa ge i ko i wuna nenem nε Yinni Gusunǎn sǎ. Adama bεen gbean dǎana i ko i di.

<sup>13</sup> Wǎo ge sǎo, baawure u koo win tem mwawa mε ba raa nùn mwaari.

<sup>14</sup> I n tem dǎramǎ, ñ kun mε i n dwemǎ, bεen goo u ku raa win winsim nǎni wǎke.

<sup>15</sup> Wi u kǐ u win gberu dǎra, u koo gina lasabu kowa u wa mǎn nǎo ta koo dǎanu ma sere wǎo weeraaku te, tu ka yibu tǎ sǎo ba ra yaklabun tǎo bakaru ko tǎ sǎo yǎro u koo tu wesia.

<sup>16</sup> Nge mε wǎsu su dabiru nε, nge mεya gbee ten gobi yi ko n kpǎaru nε. Wǎsun sukum mε mu tie mù kun dabi sere wǎo weeraaku te, tu ka yibu, ten gobi yi ñ ko yi n kpǎ. Domi ye ba koo gǎ gbee te sǎo, yera u dǎramǎ.



17 Bɛɛn goo u ku raa win winsim nɔni wɔke. I ko i man nasiawa domi nɛna na sãa Gusunɔ bɛɛn Yinni.

18 I nɛn woodaba mɛm nɔwɔ kpa i sɪ ye sɔɔ. Saa ye sɔara i ko i sina tem mɛ sɔɔ ka bɔri yɛndu.

19 Tem mɛ, mu koo dɪanu ko ni nu koo bɛɛ turi kpa i n ka wãa bɔri yɛndu sɔɔ.

20 Sɔrɔkudo i ko i tii bikia i nɛɛ, mba i ko i di wɔɔ nɔɔba yiruse te. Domi i n wɔɔ ge sɔɔ dɪanu duurumɔ, i n maa gɛɛmɔ.

21 Kon bɛɛ domaru kua wɔɔ nɔɔba tiase kpa bɛɛn gbea yu wɔɔ itan dɪanu ma.

22 Wɔɔ nɔɔba itase sɔɔ, i ko i dɪanu duure kpa bɛɛn dɪa gurunu nu n tie sere i ka wɔɔ nɔɔba nnɛsen dɪanu gɛ.

### *Tem ka dian yakiabu*

23 Goo kun tɔnu tem dɔremɔ kpa yɛro u n mu mɔ sere ka baadommaɔ, domi nɛ, Yinni Gusunɔwa na tem mɔ, i maa wãawa nɛn mi nge sɔbu.

24 Yen sɔna mi i sina kpuro, i ko i tem yakiabun wooda ye mɛm nɔwawa.

25 Bɛɛ sɔɔ, goo ù n kua sãaro, ma u win tem sukum dɔra, win dusi goo ù n gobi mɔ, u koo kpɪ u mu yakia.

26 Yɛro ù kun maa dusi goo mɔ wi u koo mu yakia, win tii u koo kookari kowa u ka mu yakia.

27 U koo wɔsu gariwa si su tie wɔɔ weeraaku te, tu ka sere yibu kpa u si kpuron gobi kɔsia kpa tem mɛ, mu ko wigim.

28 U kun gobi wa u ka mu yakia, u koo mu wi u tem mɛ dwa deria sere yakiabun tɔɔ bakaru tu ka turi. Yen biru u koo kpɪ u wura tem mɛ sɔɔ.

29 Yinni Gusunɔ u nεε, goo ù n win diru dɔra te ta wãa wuu gb̄araruguu sɔɔ, wɔɔ tia u mɔ u ka tu yakia.

30 Yēro ù n kpana u dii te yakia wɔɔ tia yen baa sɔɔ, ta koo kowa wi u tu dwagiru sere ka baadommaɔ. U ñ maa tu wesiamɔ baa yakiabun tɔɔ bakaru tà n tunuma.

31 Adama dii te ta wãa wuu ge ga ñ gb̄araru mɔ sɔɔ, ba koo tu yakia nge mε ba ra tem yakie. Baa ñ n mēren na, wi u raa dii te mɔ, ba koo nùn tu wesia n yakiabun tɔɔ bakaru sɔɔ.

32 Adama Lefiban wusu ka ben dia, ba ko n da kpĩ bu ye yakie saa kpuro.

33 Wi u Lefiban goon diru dwa, yakiabun tɔɔ bakaru tà n tunuma, u koo yariwa dii ten min di ka wuu gen min di. Lefiban dia ya sãawa ben tiiginu Isirelibaginun suunu sɔɔ.

34 Gbee ni nu maa ka ben wusu sikerenε, ben goo kun kpē u nu dɔra. Domi bera ba nu mɔ sere ka baadommaɔ.

### *Bɔkurabun wooda*

35 Yinni Gusunɔ u nεε, wunen Isirelisi ù n sãaru duura, ma u ñ kpē u tii nɔɔri, a de a nùn somi u ka win wãaru di. Nge mēya kaa maa sɔɔ kua kpa u wa u sina tem mε sɔɔ wunen bɔkuɔ.

36 À n nùn gãanu bɔkura, a ku nùn are kasusi. A de a nε Gusunɔ wunen Yinni nasia, kpa wunen winsim u wa u n wãa wunen bɔkuɔ.

37 À n nùn gobi bɔkura ñ kun mε dīanu, a ku nim doke.

38 Nε Gusunɔ bēen Yinniwa na ye gerua. Nena na bεe yara saa Egibitin di n ka bεε Kananin tem wē kpa na n sãa bēen Yinni.

### *Yorun wooda*

39 Yinni Gusunə u maa neε, wunen Isirelisi ù n sāaru duura ma u nun tii dāre, a ku nùn yoo səma koosia.

40 U ko n sāawa wunen səm kowo, u n wāa wunen yenuə sere yakiabun tōə bakaru tu ka na.

41 Yakiabun tōə baka te, tà n tunuma, kaa nùn yakiawa wi ka win bibu kpa u wura u win yenugibu deema, u win sikadoban gbea tubi di.

42 Domi ba sāawa nen yobu be na yarama Egibitin di. Ba ñ koo bu dāra nge mε ba ra yobu dāre.

43 A ku nùn dam dāre. A sōsio ma a ne Gusunə wunen Yinni nasie.

44 À n yobu kī, bwese tuku ni nu ka nun sik-erenεwa kaa yoru mwεeri ba n sāa wunεgibu.

45 Kaa kpī a səbun bibu dwe be ba wāa wunen yenuə ka sere be ba mara bεen tem sōə. À n bu dwa, ba ko n sāawa wunεgibu.

46 Wunen bibun bweseru ta koo kpī tu bu tubi di sere ka baadommaə. Adama goo u ku raa win Isirelisi dam dāre.

47 Sōə goo ù n wāa wunen yenuə, ma u kua gobigii, ma Isireli goo u sāaru duura, ma u tii sōə wi dāre, ñ kun mε sōə win dusi goo,

48 Isireli wi, u koo kpī u tii yakia ñ kun mε win dusi goo u nùn yakia

49 ñ kun mε win baan məə ñ kun mε win baan wəə ñ kun mε ben bii goo ñ kun mε win dusi goo gesi. Wi u maa tii dāra mi, ù n dam wa u ka tii yakia, u koo kpī u tii yakia.

50 Ba koo wōsun geeru gariwa wi ka wi u nùn dwa saa mìn di u tii dāra sere yakiabun tōə bakaru tu ka turi. Win yakiabun gobin geeru ta ko n sāawa nge gobi yi ba koo səm kowo kəsia wōə si sōə.

<sup>51</sup> Wõsu sù n maa tie su kpã yakiabun tão bakaru tu sere turi, u koo win yakiabun gobi kãsiawa nge me wõo sin geera ne.

<sup>52</sup> Wõsu sù kun maa dabi sere yakiabun tão bakaru tu ka turi, u koo win yakiabun gobi kãsiawa nge me wõo sin geera ne.

<sup>53</sup> U n wãa win yinnin mi, yinni wi, u koo nùn kowa nge me ba ra som kowo kue. U ñ koo nùn dam dore.

<sup>54</sup> U kun kpãa u tii yakie ka swaa yen gaa, u koo yakiaara wi ka win bibu yakiabun tão bakaru são.

### *Nena Gusunã beɛn Yinni*

<sup>55</sup> Isireliba ba sãawa ne, Yinni Gusunãn yobu be na yara Egibitin di. Ne Gusunã na sãawa ben Yinni.

## 26

<sup>1</sup> Na neɛ, i ku bwãaroku gagu sã. I ku ra maa gãanu ganun weenasinu ko. I ku maa kperu garu gira te ba gãanu ganun weenasinu koosi kpa i yiira i sã. Domi nena na Gusunã beɛn Yinni.

<sup>2</sup> I tão wẽrarugiru yaayo kpa i nen kuu bekuru-giru beere wẽ. Ne, Yinni Gusunãwa na ye gerua.

### *Domanu*

<sup>3</sup> I n nen woodaba mem nãowa ma i ye swĩ,

<sup>4</sup> kon de gura yu ne yen saa são kpa tem mu dñanu wẽ kpa dñanu nu binu ma.

<sup>5</sup> I ko n dñanu gẽemãwa sere beɛn resem yu ka sãribu turi. Kpa resem ye, ya n maa wãa duurubun saa. I ko i di i debu kpa i n wãa ka bõri yendu beɛn tem são.

<sup>6</sup> Kon de alafia ya n wãa tem me são. Goo kun beɛ baasimã ñ n dõ. Kon de yeɛ gobi yi doona. Meyã tabu kun maa duã tem me são.

<sup>7</sup> I ko i bēen yiberēba naa girawa kpa i bu takobi sɔkiri i kamia.

<sup>8</sup> Bēen nɔɔbu ba koo kpī bu tɔmbu wunɔbu (100) naa swīi bu go. Kpa bēen wunɔbu bu tɔmbu nɔɔbun suba wɔkuru (10.000) naa swīi bu go ka takobi.

<sup>9</sup> Kon ka bēe nɔnu geu mēeri kpa n de i marura i kɔwara kpa n de nen arukawani ya n wāa sere ka bēen bibun bibɔ.

<sup>10</sup> I ko i bēen dīa gurunu di sere nu tiara kpa i kpaanu kɔsire ko bēen biranɔ.

<sup>11</sup> Kon de bu nen wāa yeru gira bēen suunu sɔɔ. Na n̄ maa bēe biru kisimɔ.

<sup>12</sup> Na kon sīimɔwa bēen suunu sɔɔ kpa na n sāa bēen Yinni kpa i n maa sāa nen tɔmbu.

<sup>13</sup> Nena Gusunɔ bēen Yinni, ne wi na bēe yara saa yorun di Egibitiɔ. Nena na Egibitigibun dam dɔrebu kpeerasia. Tē i ko i kpī i sī n kun ka sekuru.

### *B̄ri*

<sup>14</sup> Yinni Gusunɔ u nēe, ì kun nen woodaba mēm nɔɔwε, ma i n̄ sīimɔ ye sɔɔ,

<sup>15</sup> ma i nen arukawani yina, i nen woodaba biru kisi, i n̄ ka bu sɔmburu kue,

<sup>16</sup> wee ye kon bēe kua.

Kon bēe berum tia kpa n de wasi sun bakaru tu bēe wɔri i wooru sere bēen nɔni yi tonda kpa i n wahala mɔ. Kam sɔara i ko i bēen dīanu duure. Domi bēen yiberēbara ba koo nu di.

<sup>17</sup> Kon bēe biru kisi kpa bēen yiberēba bu bēe kamia. Kpa be ba bēe tusa bu bēe dam dɔre. I ko i duki yakikirawa baa b̄a kun bēe naa gire.

<sup>18</sup> Yeniba kpuron biru, ì kun man mēm nɔɔwε, kon bēe sēyasia too too bēen torarun s̄.

19 Kon bēen dam bua mēn sō i tii sue. Kon de wəllu tu bəbia nge sisu kpa gura yu ku nε. Kpa tem mu bəbia nge sii gandu.

20 I ko i bēen dam dərawa kam səə. Domi tem mu n̄ dīanu m̄. Meya dānu nu n̄ maa marum̄.

21 I n man seesim̄, kon bēe sēyasia too too bēen toranun s̄.

22 Kon bēe gbeku yēe surema yi bēen bibu go sere ka bēen yaa saben̄ kpa i kun maa dabi kpa bēen swēe yi gbi.

23 Sēyasia bini bù kun maa dere i ḡoru ḡosie, ma i man seesim̄,

24 n̄en tii kon bēe seesi kpa n maa bēe sēyasia too too n kere yellu bēen toranun s̄.

25 Kon de tabu bu bēe w̄ri yēn s̄ i n̄en arukawani kusia. I n mēna i kukua bēen wus̄, kon de bararu tu bēe w̄ri kpa yiberēba bu bēe n̄ma turi.

26 Kon de ḡoru tu na. Saa ye s̄ə, t̄n kur̄bu w̄kuru ba koo p̄ε w̄wa doo s̄ə kpa bu ka bēe naawa ye ya n̄ bēe debum̄.

27 Yeniban biru ì kun man mēm n̄əwε, ma i man seesim̄,

28 n̄en tii kon bēe seesi ka m̄ru kpa n bēe sēyasia n̄n n̄əba yiru n kere yellu bēen toranun s̄.

29 I ko i ḡoru wa sere i bēen bibu tem.

30 Kon bēe tusi sere n bēe gunguu n̄n mi i ra yākuru ko k̄suku ka bw̄arokunu ni i ra ka s̄ə s̄. Kon bēen gonu s̄ndi bw̄aroku nin k̄kin w̄ll̄.

31 Kon bēen wusu ḡosia bansu kpa n bēen s̄a yenu k̄suku. Na n̄ maa bēen yākunu mwaam̄.

32 Kon bēen tem kam koosia. Bēen yiberē be, ba koo na bu sina mi, kpa biti yu bu mwa.

33 Kon de bu bæε tabu wəri kpa i yarina i da tem tukumə. Kpa bæen wusu su ko bansu.

34-35 Saa yè sɔɔ i ko i n wāa tem tukum mi, bæen tem mε, mu koo wēra, wēra bi i n daa mu wēere.

36 Be ba koo tiara ba n wāa yiberεban temə, kon de bu nuki sankira. Baa wuru kokosun damu, ga koo de bu duka yakurawa. Ba koo yakurawa nge be ba yiberεba wa ba tabu yānu neni ba ka bu naa gire. Ba koo wərukuwa baa goo ù kun bu naa swii.

37 Ba koo wərikinawa nge be ba goonamə tabu sɔɔ ka takobi. Ba n kpē bu yōra bu ben yiberεba ma.

38 Ba koo gbiwa bwese tukunun suunu sɔɔ. Kpa yiberεba bu bu kam koosia.

39 Be ba koo tiara yiberεban tem mi, ba koo woorawa ka nuku sankiranu ben toranun sɔ ka ben baababaginun sɔ.

### *Gusunə u koo win arukawani*

*yaaya*

40 Isireli be ba tiara, ba koo ben toranu tuuba ko ka ben baababaginu ni ba kua nε, Yinni Gusunən wuswaɔ ka sere seesi bi ba man seesi.

41 Ba koo gia ma nena na bu seesi ma na ka bu da tem tukumə ben yiberεban mi. Saa ye sɔɔra ba koo tii kawa ben naanε sarirun sɔ kpa bu gia ma nena na bu sεyiasiamə ben toranun sɔ.

42 Saa ye sɔɔ, kon nen arukawaniba yaaya ye na bəkua ka ben baababa. Bera Aburhamu ka Isaki ka Yakəbu. Kon maa nen nɔɔ mwεeru yaaya te na kua ben tem sɔ.

43 Ben biru, tem mε, mu koo wēra. Saa ye sɔɔra ba koo sεyiasibu wa yèn sɔ ba nen woodaba deri.

44 Adama baa bà n wāa tem tukumə ben yiberεban mi, na n bu derimə mam mam. Na n

bu biru kisimɔ, na ñ maa bu kpeerasiamɔ. Na ñ nɛn arukawani ye kusiamɔ. Domi na sãawa Gusunɔ ben Yinni.

<sup>45</sup> Ben arufaanin sɔ kon arukawani ye yaaya ye na ka ben baababa bɔkua mi, ye ya dera na bu yara Egibitin di bwesenu kpuron nɔni biru, ma na kua ben Yinni. Nɛna Yinni Gusunɔ.

<sup>46</sup> Wooda ka sɔɔsi niniwa Yinni Gusunɔ u Mɔwisi wɛ Sinain guurɔ u ka Isireliba sɔ.

## 27

### *Nɔɔ mwɛɛnun yibiabu*

<sup>1</sup> Yinni Gusunɔ u Mɔwisi sɔɔwa u nɛɛ,

<sup>2</sup> a Isireliba wooda yeni sɔɔwɔ a nɛɛ, goo ù n nɔɔ mwɛɛru kua u nɛɛ, u koo nɛ, Yinni Gusunɔ tɔnu kɛ, u koo kpɪ u gobi kɔsia tɔnu win ayerɔ nge mɛni u ka win nɔɔ mwɛɛru yibia.

<sup>3</sup> Saa tɔn durɔ wi u wɔɔ yɛndu mɔn di n ka da wɔɔ watagii, sii geesun gobi weeraakura u koo kɔsia nge mɛ ba ra sãa yerun gobi kɔsi.

<sup>4</sup> N n tɔn kurɔn na, sii geesun gobi tɛna.

<sup>5</sup> Tɔn durɔ wi u mɔ wɔɔ nɔɔbu n ka da wɔɔ yɛndugii, sii geesun gobi yɛnda u koo kɔsia. N n maa tɔn kurɔn na, sii geesun gobi wɔkuru.

<sup>6</sup> Saa tɔn durɔ suru tiagii sere n ka da wɔɔ nɔɔbugii, sii geesun gobi nɔɔbuwa u koo kɔsia. N n maa tɔn kurɔn na, sii geesun gobi itawa u koo kɔsia.

<sup>7</sup> Goo ù n maa wɔɔ wata mɔ ñ kun mɛ ù n kere mɛ, sii geesun gobi wɔkura nɔɔbuwa u koo kɔsia. N n maa tɔn kurɔn na, sii geesun gobi wɔkura u koo kɔsia.

<sup>8</sup> Goo ù n sãa sãaro too, ma u ñ kpɛ u kɔsia mɛ ba gerua, ba koo ka yɛro dawa yãku kowon mi, kpa



yāku kowo wi, u nùn sǎ mèn nǎo u koo kǎsia nge mε win waara nε.

<sup>9</sup> Goo ù n nε, Yinni Gusunǎ nǎo mwεεru kua ma u koo man yaa saberu kē te ba ra ka yākuru ko, yaa sabe te, ta ko n sǎawa nεgiru.

<sup>10</sup> Ba ñ ka tu garu kǎsinamǎ te ta kun wǎ. Baa tà kun maa wǎ, ba ñ ka tu garu kǎsinamǎ te ta wǎ. Ka mε, bà n maa ka tu kǎsina, ni yiru kpuro nu ko n sǎawa nεginu.

<sup>11</sup> Goo ù n ka yaa saberu na te ba ku ra ka yākuru ko, ba koo ka tu dawa yāku kowon mi.

<sup>12</sup> Kpa yāku kowo u tu mεeri u ten geeru bura.

<sup>13</sup> Wi u ka yaa sabe te na, ma u kī u tu yakia, gee te yāku kowo u nùn bure, tera u koo kǎsia. Kpa u maa gee ten bǎnu nǎobun tia sosi.

<sup>14</sup> Goo ù n win diru Yinni Gusunǎ kǎ, yāku kowowa u koo da u tu mεeri kpa u ten geerun saka gere. Gee te u gerua mi, tera ba koo ka sǎmburu ko.

<sup>15</sup> Adama ù n kī u win dii te yakia, u koo gina gee te yāku kowo u bura mi kǎsiawa kpa u ten wǎllǎ bǎnu nǎobusen tia sosi dii te, tu sere maa ko wigiru.

<sup>16</sup> Goo ù n maa win gberu Yinni Gusunǎ wē, ba koo ten geeru burawa. Dīa ni ba koo duuren kpāara ba koo mεeri. Nge tē bà n dīa ni ba mǎ ǎsu duura, ma nu kilo gooba wunǎbu (300) kua, sii geesun gobi weeraakura ba koo kǎsia.

<sup>17</sup> N n sǎan na yakiabun tǎo bakarun diya u gbee te wē, ten gobi kpurowa u koo kǎsia.

<sup>18</sup> U n gbee te Yinni Gusunǎ wē yakiabun tǎo bakarun biru, yāku kowo u koo ten gobi kawawa. U koo wǎo si su tie sere yakiabun tǎo bakaru tu ka turin gobi kǎsiawa.

19 Yēro ù n kī u win gbee te yakia, u koo kəsiawa ye ba bura mi, kpa u yen bōnu nōobun tia sosi gbee te, tu sere maa ko wigiru.

20 U kun tu yakie, ma ba tu goo dāre, u ñ maa kpē u tu yakia win tii.

21 Yakiabun tōo bakaru tà n tunuma, ta koo kowa Yinni Gusunogiru. Yāku kowoba ba ko n tu mō sere ka baadommao.

22 Goo ù n Yinni Gusunō gberu wē te u dwa, n ñ mō te u tubi di,

23 yāku kowowa u koo tu mēeri kpa u ten geeru bura. U koo wōsu gariwa si su tie yakiabun tōo bakaru tu ka turi. Wōo si kpuron gobiya u koo gere kpa gobi yi, yi ko Yinni Gusunogii.

24 Adama yakiabun tōo bakaru tà n tunuma, gbee te, ta ko n sāawa wi u raa nùn tu dōregiru.

25 Ba koo gāanu kpuron geeru burawa nge mē ba ra sāa yerun gobi kəsi. N deema gobi yin tian bunum mu ra n sāawa garamu wākuru.

### *Kēε bwese bweseka*

26 Goo u ku raa win yaa saberun buu gbiikuu Yinni Gusunō kē. Domi ga sāawa Yinni Gusunoguu kō yèn sō ga sāa buu gbiikuu. Baa ñ n yāarun na ñ kun mē ketε, ga sāawa Yinni Gusunoguu.

27 Gà n maa sāan na sabe te ba ku ra ka yākuru kon buu gbiikuu, wi u ka tu na u koo kpī u tu yakia ù n gee te yāku kowo u nùn bure kəsi kpa u maa ten bōnu nōobun tia sosi. U n kpana u tu yakia, yāku kowo u koo kpī u tu goo dāre nge mē u ten geeru bure.

28 Gāa ni ba Yinni Gusunō kā sere ka baadommao, aa tōnuwa? N kun mē yaa sabera? N kun mē gbee te u tubi diwa? Gāa ni ba gōsa ba yi Yinni Gusunōn

sō gesi, n n̄ maa koorō u nu yakia n̄ kun mε u nu dōra. Nu ko n sāawa Yinni Gusunōginu sere ka baadommaō.

<sup>29</sup> Baa n̄ n̄ tōnun na n̄ koorō u n̄n yakia. Ba koo yēro gowa.

<sup>30</sup> I ko i n̄ da Yinni Gusunō bεen gberun dīanun suba wākuru sōō tia yiyewa sere ka dāa marumō.

<sup>31</sup> Goo ù n̄ kī u ye yakia, u koo yen gee te kōsiawa kpa u maa yen bōnu nōōbun tia sosi.

<sup>32</sup> Meya maa yaa sabenu sōō. Yāara? Ketewa? Boowa? Sabe ni ba kpare gesi, wākuru baateren wōllō Yinni Gusunō u teeru mō.

<sup>33</sup> Wi u sabe ni mō, u n̄ koo gōsi te ta wā n̄ kun mε te ta kun wā. U n̄ maa ka tu garu kōsinamō. Baa ù n̄ ka tu garu kōsina, ni yiru kpuro nu ko n sāawa Yinni Gusunōginu. N n̄ koorō bu nu yakia.

<sup>34</sup> Wooda yenibara Yinni Gusunō u Mōwisi wē Isireliban sō Sinain guurō.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3